

大宋新譯三藏聖序

添

御製

大矣哉我佛之教也化導群迷闡揚
 宗性廣博宏辯英彥莫能究其旨精
 微妙說庸愚豈可度其源義理幽玄
 真空莫測包括萬象譬喻無垠綜法
 網之紀綱演無際之正教拔四生於
 苦海譯三藏之秘言天地變化乎陰
 陽日月盈虧乎寒暑大則說諸善惡
 細則比於恒沙含識萬端弗可盡述
 若窺像法如影隨形離六情以長存
 歷千劫而可久須彌納藏於芥子如
 來坦蕩於無邊達磨西來法傳東土
 宣揚妙理順從指歸彼岸菩提愛河
 生滅用行於五濁惡趣極溺於三業
 途中經垂世以難窮道無私而永泰
 雪山貝葉若銀臺之耀目歲月煙蘿
 起香界之自遠巍巍罕測杳杳難名
 所以道資十聖德被三賢至道起於
 軋亢眾妙生乎太易惣繁形類察鑿
 昏明絕彼是非開茲蒙昧有西域法
 師天息災等常持四忍早悟三乘翻

貝葉之真詮續人天之聖教芳猷重
 啓運偶昌時潤五聲於文章暢四始
 於風律堂堂容止穆穆輝華曠劫而
 昏墊重明玄門昭顯軌範而彌光妙
 法淨界騰音利益有情俱登覺岸無
 成障礙救諸疲羸冥昧慈悲浩汗物
 表柔伏貪恨啓滌昏愚演小乘聲聞
 合其儀論大乘正覺立其性含靈悟
 而蒙福藏教缺而重興幻化迷途火
 宅深喻雖設其教不知者多善念生
 而無量潛臻惡業興而隨緣皆墮調
 御四眾積行十方澍花雨於金輪護
 恒沙於玉闕有頂之風不可壞無際
 之水弗能漂澄寂湛然圓明清淨之
 智慧性空無染妄想解脫之因緣可
 以離煩惱於心田可以得清涼於宇
 宙朕慙非博學釋典微聞豈堪序文
 以示來者如摩瑩燭火不足比之於
 皎日將微蠶量海未能窮盡於深淵
 者哉

妙法聖念處經卷第一

如是我聞一時世尊在大眾中天人

大宋新譯三藏聖序

妙法聖念處經卷第一 第二法

圍繞瞻仰尊顏目不暫捨時諸大眾
 即於佛前而說偈言
 歸命一切智三界第一尊敷演微妙音
 廣利諸群生
 今時世尊告諸大眾即說頌曰
 若有諸眾生不殺施無畏慈心能忍辱
 端嚴壽無比
 若於有情所如同父母想能離不與取
 智慧福無量
 若行善身業離欲心堅固不觀女妙色
 解脫諸惡趣
 世間應遠離解脫忻可證似金礦覆藏
 體性本清淨
 煩惱不能伏上妙觸生愛善惡事不分
 浮生苦最大
 苦樂猶心起得失事亦然善惡友離合
 因果理無偏
 降伏諸根亂平等心要行利益諸有情
 是名苾芻行
 沙門婆羅門煩惱伏應斷智慧修增長
 令心不散亂
 涅槃理須證諸世應遠離勤發正見心
 佛說此難比

妙法聖念處經卷第一 第二法

解脫諸輪迴須彌愛不動等彼拊檀香
甘露味無比
雖獲上供養嬌奢耶妙衣貪愛不染著
知足心歡喜
如草被火焚了知不究竟供養興福慧
水火不能侵
白業真智果河水終無盡不貪諸境界
佛說苾芻行
樂求種種智相應恒現前了達真實法
不墮諸輪迴
若人求白法令心不散亂惠施諸境界
劫火不能壞
無明諸有本輪迴從此生煩惱勤伏除
真正牟尼行
樂行於忍辱端嚴離冤害能仁妙相因
見者心歡喜
林野離憤亂愛樂心歡喜持鉢恒一食
是名苾芻行
解脫最安樂三塗最為苦真如離彼此
思惟不可得
利他平等業柔和常質直正行恒相應
遠離諸邪執
意根樂執著意根稱最勝意根能速疾

妙法聖念處經卷第一

第四張

志

意根能歡喜
伽陀演說此能作亦能說抖擻諸煩惱
業果善了知
了知得失事能趣妙菩提一切諸有情
六根中第一
林間樂止住遠離諸冤賊了知是六根
正行從此出
常處等引位抖擻諸業障譬如於虛空
風雲不能染
善護身口意正見恒相應智慧如燈明
魔眾不能壞
不害物名善慈悲利益深威儀無缺犯
方住苾芻心
眼被色境縛礙之餘非轉煩惱縛有情
三界不能出
真俗智微妙善巧事還希諸佛同共讚
運用叵難思
多聞求解脫貪恚不能違善護身三業
伏除令不生
今時世尊說此偈已告諸大眾若有
眾生煩惱纏縛三界輪迴受諸苦惱
若行十善感果人天愛樂歡喜譬如
圓月離諸障礙清淨無比觀之歡喜

妙法聖念處經卷第一

第五張

志

又如柴薪火能焚燒如是惡業應當
伏除離於三界生死輪迴解脫諸苦
又如飛禽得離繫縛自在無礙若諸
有情不造諸業出離三界證二空理
苦惱不侵貪恚非染了達輪迴譬如
燈明照了物像正智相應恒無間斷
離諸邪執愛樂寂靜塚間樹下捨離
諸惡親近善友比丘如是修出家行
一切可愛諸境界等不應貪著不樂
房舍離於貨易及虛妄語不樂歌舞
捨離憎愛林中一食最上菩提常樂
趣求離不與取持糞掃衣歡喜知足
止住林野寂靜思惟離散亂想及貪
恚等常行慈心利樂有情遠離愚闇
修習智慧離煩惱業解脫生死修入
聖道寂靜現前破壞一切諸煩惱苦
苾芻如是應當修習堅固善根遠離
染欲專心一境愛樂真如種種智慧
增長圓滿無漏淨法了知有漏虛幻
不實
今時佛告諸苾芻言若有苾芻安住
梵行清淨柔和善修止觀愛樂靜慮
林間遊戲遠離諸染了達迷妄亦如

妙法聖念處經卷第一

第六張

志

飛鳥虛空影隨比丘亦尔三衣隨身

善修平等恒思正法伏滅煩惱智慧

相應趣求見道乃至彼岸究竟涅槃

比丘應知如是觀察安住歡喜而於

輪迴及老病死常乃怖畏如阿蘇羅

及餘天眾歡喜恭敬獲得上妙僧伽

肱鉢不假餘器守護梵行不令毀犯

清淨無垢不著諸味及利養等

尔時佛告諸苾芻言若諸有情捨離

悲心我慢放逸焚燒諸善難盡諸漏

尔時世尊乃說偈言

若捨悲精進無明慢相應寂靜不現前

無由漏除滅

尔時佛告諸比丘言若復有人於諸

卧具上妙細軟不應愛樂覺悟無明

迷闇根本諸惑隨生謂此無明徧諸

染心彼若無時應非迷闇了達諸法

等持靜慮應盡諸漏

於是佛告諸比丘言若欲經行在於

林中寂靜不亂於諸非法酒色等境

不應愛樂比丘如是若諸魔眾由業

繫縛惱亂修善如人飲毒自作自受

汝今破戒行於邪命煩惱繫縛墮大

地獄受種種苦

比丘當知行乞食時若見女人如毒

蛇想專注一心思惟正法不求名利

及諸妙境離業繫縛令心平等不行

毀謗若入聚落如林野想乞飲食時

如療病想起煩惱時焚燒林想求妙

法時趣正路想處林卧時鹿驚怖想

入諸禪定遊園觀想見阿羅漢作福

田想不樂境界語言戲論恒求解脫

國王大臣利益親近上妙飲食勿希

貪想施主名利恒非欺誑心行方便

不起瞋恚貪樂房舍親近豪族如魚

樂水安住不捨遠難知識迷背真實

希求虛幻如燈夢電作解脫想尊重

邪道恒行恭敬最上真實不能了悟

尔時佛告諸比丘言應知省覺愛樂

經行禪定智慧恒行慈心趣求最上

真實解脫獲於正見了達諸法恒常

修習忍辱精進捨離貪恚及諸散亂

佛告比丘應當愛樂一切有情憶念

憐愍令離顛倒及諸纏縛解脫眾苦

苾芻應知於諸境界離染侵害譬如

金體性離塵垢

比丘當知若至親友及往非親應離

貪恚了知損益若罪非罪安隱艱辛

方便降伏為說法要隨彼利鈍聰明

愚昧導以勝劣誠之正說

比丘應知林間經行寂處習定捨離

過非恒樂真如了信因果勝劣差別

遠離諸毒降伏諸根不起過非智慧

相應令心歡喜止息毀謗如海甚深

相應無盡心意堅固不起疑慮不貪

妙色聰愍平等應時善說欲色無色

虛妄真實不說世間是非語言遠離

過患諸境界等譬如諸毒及以淤泥

勿令侵害解脫輪迴無明遠離禪定

智慧辯才宣演法義最上離妄顛倒

一切塵垢不令染污一切所作皆為

利益於眾僧處不起違背身語意業

離彼纏縛不求人天修諸善業不為

名利趣向涅槃

苾芻應知恒離惡友不作諸非常以

慈心平等觀察心意調柔護戒清潔

隨順真實離妄怖畏不迷輪迴及諸

靜慮了達無常空智自在梵眾諸天

安住靜慮趣向涅槃聽聞妙法了悟

地獄受種種苦

地獄受種種苦

誠實歡喜踴躍

尔時世尊說伽陀曰

業果善不善所作受決定自作自纏縛
如蠶等無異

苦澁及甘美諸苦并煩惱如影恒隨逐
飲毒自侵害

尔時世尊說此偈已告諸比丘若有
衆生善修智慧破煩惱火安住梵行
愛樂三寶見聞隨喜不起貪恚作解
脫想了達不動趣向真實安住最上
離老病死及諸輪迴煩惱冤家相續
不斷

尔時世尊告諸比丘若於靜處修習
梵行趣自然智諸天梵衆恒來親近
礼事供養所以者何愛樂梵行能壞
輪迴遠離煩惱令心調伏捨離黑暗
及諸冤家勿令侵害猶如乾草雜火
焚燒捨離煩惱亦復如是

佛告比丘若復有人迷諸境界恣縱
諸根違背涅槃心不平等恒行苦因
邪見纏縛一切諸惑不能伏除廣集
資具貪心熾然最上福田愚迷障蔽
曾無省悟若遇法師方便開化遠離

妙法聖念處經卷第一 第十段 終

諸惑及貪等染息除猛焰及離諸觸

趣向最上甘露妙法安住最上善友
知識愛樂靜慮修習智慧煩惱如山
而能破壞安住淨慧捨諸愚闇及離

輪迴獲妙果報聰慧最上修諸勝行
心意相續少欲知足息除邪執繫縛

攀緣悉皆遠離如魚吞鉤貪味自縛
有情亦尔愛樂五欲恒時不捨廣興

諸業輪轉生死無有止息迷昧染因
諸趣差別無有窮盡

尔時世尊乃說頌曰

若人作惡業輪迴地獄苦餓鬼及傍生
淪沒無窮盡

等活與黑繩衆合并號叫燒燃極燒燃
阿毗大地獄

艱辛惡業苦刺長十六指四壁并四門
悉皆鐵所造

尔時世尊告諸比丘彼諸地獄焰火
熾盛暴惡甚多相續無間百踰善那

難可調伏形色毛豎甚大怖畏極惡
之聲聞皆酸楚有情惡業墮此獄時

頭下足上剝那生彼受種種苦展轉
焚燒晝夜啼泣出大惡聲如魚穿炙

妙法聖念處經卷第一 第十一段 終

皮肉糜爛徧滿黑暗心意迷亂罪人

見彼琉璃魔羅界大火焚燒迷亂悶絕
造業同者處之一獄人人纏縛獄卒

牽挽受苦難當而無間斷若人少智
虛妄造罪由此輪轉冤家聚會受地

獄苦

時諸比丘而白佛言此琉璃魔羅受罪
之人云何纏縛受苦無量

尔時佛告諸苾芻言此人恒常毀謗
正法不生信受因果不了迷諸地獄

不生怖畏起煩惱火焚燒諸善以此
業因墮琉璃魔羅界受如是苦最上大難

而無間斷瞋恚冤家愚癡黑暗隨業
而受業盡方出

佛告比丘若復有人欺同虛詐於他
妻女耽染不捨纏縛生盲恒覆光明

不能了悟

時諸比丘復白佛言處人卑賤愚昧
無智復作何因感果如是

佛告比丘此於過去我慢心高輕毀
賢善慳貪嫉妬故受斯報若復有人

離間彼此及作惡業由此因緣墮諸
地獄若生人中乏少男女財物散失

妙法聖念處經卷第一 第十二段 終

知識遠難命欲終時顛狂怕怖眷屬
守護迷諸境界不能了達

介時世尊即說頌言

自作還自受殘害罪有情暴惡苦器多
業盡方能免

世間造諸業善不善恒隨譬如花有香
遠近皆相逐

介時世尊告諸比丘譬如飛禽棲止
林樹聚散非恒父母親族亦復如是

佛告比丘若復有人於寂靜處繫念
思惟修習善業捨離愚闇彈竿繭索

暴惡非法臨命終時身心無惱離諸
驚怖獲報天上飲食衣服隨心自在

眷屬宮殿悉皆圓滿聰明智資具
園林無所乏少壽命形色圓滿具足

若復有人自心欺詐誑惑世間男女
眷屬朋友知識訶罵毀辱廣造諸非

命終之後墮諸惡道受苦無量從彼
出已若生人中貧窮下賤衣食乏少

男女眷屬皆悉厭離虛妄愚迷不了
因果貪瞋等惑相應無間於諸善事

不曾修習惡友非法恒時親近
介時世尊而說頌曰

妙法聖念處經卷第一

第七

譯

地獄受諸苦焚燒從業生人中因苦纏
皆隨自心造
輪迴三界內往來如蟻環業果牙為緣
相續無窮盡

介時世尊說此偈已告諸苾芻若獲
聖果方免輪迴無所繫屬自在安樂

業及業果不能傾動若復有人起貪
瞋或及造諸非墮於地獄猛焰焚燒

一切身體受種種苦發聲號哭思惟
方便不能得脫如是苦澁不善之業

愚迷自造譬如猛火焚燒林野一切
草木無由得免惡業亦介輪迴地獄

受諸苦惱不能遠離若復有人捨離
惡友不造諸非了悟因果離諸疑謗

修習正見信樂真如寂靜安樂遠離
輪迴及諸苦惱最上無比無相無為

離妄顛倒常樂我淨自在無礙離
諸繫縛善不善業皆悉遠離

妙法聖念處經卷第一

乙巳歲高麗國大藏都監奉

勅雕造

妙法聖念處經卷第一

第十四

譯

妙法聖念處經卷第一

校勘記

一 底本，麗藏本。

一 八二六頁上一行至本頁中二〇行
序文，南、徑、清無。

一 八二六頁上末行「常持」，資、磧、
善作「當持」。

一 八二六頁中四行「昏墊」，資、磧、
善作「昏墊」。

一 八二六頁中二二行譯者，南作「宋
西天中印度摩伽陀國那爛陀寺三

藏傳教大師賜紫沙門臣法天奉詔
譯」；徑、清作「宋西天中印度摩伽

陀國那爛陀寺三藏傳教大師賜紫
沙門奉詔譯」。以下各卷同。

一 八二六頁下一六行「友離合」，石
作「有離合」。

一 八二七頁上二行「甘露」，石作「世
露」。

一 八二七頁下七行「愛樂」，諸本作
「受樂」。

一 八二八頁中二二行「離染」，徑、清作「雜染」。

一 八二八頁下一四行「最上」，磧作「是上」。

一 八二八頁下一九行「常以」，磧作「當以」。

一 八二八頁下二一行第六字「妾」，諸本作「妾」。

一 八二九頁上三行「纏縛」，石作「繫縛」。

一 八二九頁中一四行第一三字「極」，徑、清作「及」。

妙法聖念處經卷第二

漆

六三——八三一

尔時會中諸苾芻等聞佛所說地獄
焚燒受苦無量悲啼雨淚禮敬佛足
而白佛言此諸地獄受罪有情修何
因行免於未來諸苦痛惱不被纏縛
速得解脫唯願慈悲利益未來敷演
斯事

尔時世尊告苾芻言諦聽諦聽吾今
為汝分別解說若復有人修諸淨戒
離於邪執愚迷顛倒已所作罪懺令
不增未作之罪防護不生修習聞思
及諸善業捨離慳貪欺詐暴惡深信
因果由此因緣不受焚燒地獄之苦
佛告比丘若復有人欲求遠離焚燒
冤害不飲諸酒修施戒業苾芻應知
酒失最上破壞善法酒失最上能壞
聰慧酒失最上能壞安樂酒失最上
遠離善友酒失最上能生諸病酒失
最上破壞解脫酒失最上冤家得便
酒失最上財物散壞酒失最上增長
非法酒失最上遠離珍寶酒失最上

亂說是非酒失最上散亂轉增酒失
最上能生貪忿酒失最上無明增長
酒失最上忠實變詐酒失最上顯露
隱密酒失最上煩惱轉增酒失最上
成就地獄酒失最上焚燒善根酒失
最上毀壞三寶酒失最上惡名流布
酒失最上醉變膿血酒失最上香變
臭穢酒失最上增長三塗
比丘應知酒能毀壞色無色業酒能
焚燒四果聖業酒能增長暴惡之業
酒能不信正實因果酒能增長煩惱
諸苦酒能發起口四過非及怖畏事
酒能數起貢高欺詐酒能毀謗善友
知識酒能恒處眾苦憂惱酒能增長
一切諸非酒墮有情黑暗之處酒墮
有情餓鬼傍生酒能遠離聰明智慧
酒能遠離諸天神仙酒能毀壞轉佛
法輪酒能增長熾欲熾盛酒能破壞
清淨梵行酒能增長我慢放逸酒似
於風破壞世間酒能壞亂長者之行
酒能忘失忍辱之心酒能迷亂世間
聰慧酒能毀謗解脫之法酒能遠離
諸佛淨戒

妙法聖念處經卷第二 第三 漆

尔時世尊告比丘言酒有如是種種
過非應當遠離比丘應知飲酒之人
但貪美味不慮苦果由此為因墮於
地獄受種種苦從地獄出若生人中
愚昧貧乏不信因果毀謗正法輕慢
賢善煩惱增多熾欲熾盛遠離解脫
暴惡纏縛纖毫之善而非修習極惡
之因恒時親近如是展轉輪迴諸趣
無解脫時
比丘應知思惟雜妄修習正行慎護
三業彼若造罪獲報艱辛疼痛難任
焚燒決定是故比丘應當遠離一切
過非及諸怖畏
比丘應知自作自受他不能免彼殺
生等十不善業果感不虛
尔時世尊說伽陀曰
身語業非虛輪迴諸惡趣自作自纏縛
善逝不能救
尔時世尊說此偈已告諸比丘一切
瞋恚及於妄語應當遠離由此為因
墮諸惡趣受種種苦後生人中貧乏
卑賤凡所發言多增穢惡傷犯於他
猶如刀斧亦如餓鬼自業所招焚燒

妙法聖念處經卷第二 第三 漆

飲食此業亦然焚燒眾善惡名流布見聞不喜若有智者遠離妄語發言誠諦人皆信受美名流布猶如香氣聞皆歡喜

比丘應知若復有人發於實語遠離苦惱虛妄邪執猶如珍寶堪任受用亦如燈明照了物像實語亦亦聞皆信受由此因緣天上自在解脫諸苦捨離穢惡虛妄之聲算數藝能安住最勝趣向解脫財富無量普濟貧乏智慧光明莊嚴第一庫藏豐盈遠離煩惱若生人中尊豪最上種種莊嚴自在具足利益有情孤獨貧乏乃至知識悉皆利樂恒說真實猶如火毒燒照最上險惡途路如毒遠離是故妄語一切時中應當捨離及諸纏縛怖畏等罪

復次比丘有情妄語墮大地獄受諸苦惱身分破裂如青蓮花琰魔獄卒為彼罪人而說偈言

虛妄地獄因眾苦自心造 娑伽水有盡此業報無窮

尔時世尊告諸比丘若復有人捨離

妙法聖念處經卷第二 第四品 誦

妄語如捨苦滋獲味甘美比丘應知修習智慧愛樂真實莊嚴自身功德最勝猶如甘露能離過患愚夫迷倒不了苦因熾然造作暴惡之業損害憎嫌一切過非恒時不息墮諸地獄遠離安樂及以真實若得人身見聞不喜增多過患龍天嫌厭愚迷虛妄善友如冤非曾親近恒習諸惡無時暫捨輪迴受苦而無窮盡比丘應知真實最上智者修習猶如甘露遠離過非恒時安樂亦如涅槃苦惱不侵遠離無義及四相等又如聖境愛樂最上真實亦亦聞皆歡喜又如暗室明燈最上能了物像真實亦亦聞非疑謗又如良藥能息苦惱乃至鬼魅皆能遠離真實亦亦解脫地獄及諸苦惱愚迷輪迴諸惡趣中受苦展轉業報無窮墮諸地獄不得解脫受種種苦發聲號哭空中有聲告諸罪人汝等勿哭自作自受惑於何人煩惱迷覆自心虛妄不能遠離解脫眾苦若復有人恒不妄語猶如甘露人皆愛樂普益自他若行妄語猶如毒藥

妙法聖念處經卷第二 第五品 誦

損惱自他不得安隱虛妄亦亦墮於險處受大苦惱如是虛妄生生之中應當捨離修習淨行解脫諸苦真實莊嚴種種智慧慳貪諸惑及不善業伏斷無餘

比丘應知有情虛妄煩惱纏縛猶如器仗刀劍等物損害有情不得安隱若復有人真實離妄財法惠施饒益有情最勝功德而無有盡乃至獲於安樂自在

若復有人遠離真實及諸智慧恒造惡業輪迴諸趣受種種苦刀兵飢饉風火疾疫癘溺焚燒冤家非一眾苦聚會逼迫酸疼一切暴惡自作自受業報非虛

比丘應知愚夫妄執此彼世間無因無果及無作用散亂橫計增長非法遠離善法愚迷有情不了因果墮諸黑暗輪轉不息苦惱無窮佛大慈悲說希有法導彼愚迷令心省悟捨離眾魔及諸驚怖

佛告比丘地獄有情被業所牽勉於黑暗恒聞惡聲怖畏迷亂奔墮火坑

妙法聖念處經卷第二 第六品 誦

焚燒身體皮乾肉爛猶如枯木由業力故涼風觸體還復如木依前焚燒苦惱無量如是受苦業盡方免

比丘應知勤修善業遠離惡趣及諸苦惱人天富樂自在可愛趣向涅槃伏除貪瞋及餘諸惑勿令侵害捨離散亂不造眾惡地獄酸楚恒時受苦應生厭離解脫輪迴

若復有人殺害眾生及不與取毀謗三寶不信因果起於虛誑離間彼此發身等業慳貪嫉妒恒不捨離命終之後墮於地獄受苦無量如是展轉沉淪惡趣而不解脫

比丘應知由宿業力輪迴生死纏縛諸有而無窮盡

佛告比丘身語意業不善為因墮於地獄受苦三時而無暫息寧持利刃斷於舌根不以此舌說染欲事所以者何由此為因起貪瞋癡廣造惡業輪轉諸趣不得解脫皆因虛妄橫執染欲於苦計樂起業煩惱生死長時不能遠離又如羅索纏縛有情染欲亦爾繫縛有情墮於地獄獲苦溢果

妙法蓮華經卷第二 第七經 誦

愚迷有情不能遠離染欲因緣諂誑暴惡轉增熾盛焚燒眾善而無悲愍廣益有情

比丘應知我執如山惡業似海煩惱焰猛熾然相續纏繞不捨相續醜惡驚怖憂惱恒非安隱又如虛空徧一切處或業苦惱隨逐有情恒不捨離無處不有繫縛有情不令出離又如世間邪見執我堅固難拔僻執繫縛恒無暫捨苦惱逼迫暴惡纏縛損害艱辛無怙無依輪轉生死周徧一切如火焚燒受種種苦而無窮盡

又此我執顛倒虛妄愚暗迷亂或執星辰或計五根或執意根妄為究竟歸依奉事而未解脫由妄執著我能造因亦能受果由斯增長身心苦惱而非遠離地獄輪轉酸楚疼痛堅執勇猛纏繞相續愚迷造作諸不善業而非悔恨思惟方便了悟果因遠離過非趣求解脫

比丘應知若復有人造諸惡業受報艱辛處於地獄乃至劫壞而非解脫龍天八部不能守護所以者何此諸

有情業繩所牽受地獄苦此界壞已惡業因緣往於他方餘處受苦不能遠離

妙法蓮華經卷第二 第八經 誦

若復有人於父母處起殺害想而生決定此罪至重譬如有人以利刀劍破壞三界一切眾生比此猶輕所以者何父母恩德反生冤害獲罪甚重若復有人破僧和合殺阿羅漢出佛身血此罪最重獲報無間受苦相續殘害怖畏治罰恒時思惟方便無暫止息鐵毒火炸苦致無窮非法纏縛破壞恐怖恒常無斷顛倒愚迷不能遠離苦溢之果由此因緣煩惱業牽輪迴生死不得解脫

比丘應知染欲妄語應生厭離悔恨思惟伏除棄捨止息貪愛勿作是想何況執著造作彼業

是故比丘煩惱暴惡邪見顛倒汝應破壞於諸惡趣捨離彼業及愚癡等趣求無上最勝無邊二空智慧利益有情不令墮落地獄鬼畜焚燒諸苦受種種等非愛之果

若復有人尊重佛僧及諸經典恭敬

妙法蓮華經卷第二 第九經 誦

妙法蓮華經卷第二 第九經 誦

供養歌頌稱讚以此因緣遠離塵垢
及諸繫縛業等諸障獲報安樂恒生
善趣初中後善遠離苦惱安樂長時
相續無間棄捨垢染及諸煩惱愚迷
醉亂伏除不起止息輪迴解脫諸有
乃至究竟而證轉依

於是佛告諸比丘言若復有人虛詐
妄語誑惑世間希求財利養活身命
及奴馬等以此因緣命終之後必墮
地獄受焚燒苦猛焰熾然相續無間
苦惱燒煮而無窮盡彼獲如是暴惡
之苦皆由業牽不得遠離地獄諸苦
譬如縲索繫縛有情令不在此業
亦不能縛有情墮落猛火焚燒身體
手足骨髓皆如火聚內外亦然苦惱
無量彼大地獄周匝四門復有四角
各各焚燒膿血糞穢種種治罰衆多
苦具皆悉烜焰俱時火然相續無斷
尔時世尊而說頌曰
愚迷諸有情貪財行虛誑地獄業所牽
焚燒受諸苦亦如諸毒藥自飲還自害
造業亦復然似影恒隨逐又如出火木
生火能自害苦果隨惡因自作應自受

妙法聖念處經卷第二

第十張

涼

佛告比丘若復有人於境起貪應作
觀想可以對治若於珍寶起於貪欲
如火輪想及破壞想世間貪愛無量
無邊由斯觀想皆悉遠離貪著世間
如冤家想見於海水作漂淪想見於
刀劍滅煩惱想降雲雨時作普益想
見諸佛時作解脫想見國王時起尊
重想見父母時起親愛想起墜貪時
如毒藥想見眷屬時暫止息想趣圓寂
時起平等想持淨戒時起光明想見
金寶時起破壞想見破戒者起救護
想財散失時非究竟想住三界時如
牢獄想見日輪時起智慧想修靜慮
時求功德想

比丘應知於他財物矯設諸行虛誑
盜取以此為因墮於地獄種種苦惱
焚燒其身支體破裂恒處黑暗無有
光明愚迷覆心恒不捨離無少安樂
遠離涅槃一報終盡復墮鬼畜常因
飢渴勞役疲乏衆苦逼迫而無窮盡
若生人中乏少資財欲心熾盛處人
卑賤勞苦相續時無暫息
尔時世尊而說頌曰

妙法聖念處經卷第二

第十張

虛誑盜他財三塗苦自受飢渴恒相續
衆苦無休息愚迷覆智慧光明恒遠離
輪迴惡趣中業盡方能出
尔時佛告諸比丘言若復有人於諸
順情妙觸之境而起染著恒非捨離
應作堅硬苦澁等想無常敗壞體不
究竟如電如夢自性非有於諸妙觸
皆悉遠離比丘應知於諸欲境勿起
愛著及諸世間過去未來所有可愛
染欲塵境應當捨離

妙法聖念處經卷第二

乙巳歲高麗國大藏部監奉

勅雕造

妙法聖念處經卷第二 第十張

妙法聖念處經卷第二

校勘記

- 一 底本，麗藏本。
- 一 八三二頁中二一行「忘失」，清作「忘失」。
- 一 八三三頁上一行「衆善」，諸本作「衆苦」。
- 一 八三三頁中七行「增多」，資、磧、普、南、徑、清作「增多」。
- 一 八三四頁上二〇行「虛妄」，資作「虛空」。
- 一 八三四頁中一七行「輪轉」，資、磧、普、南、徑、清作「輪迴」。
- 一 八三四頁下二二行「非愛」，石作「非受愛」。
- 一 八三五頁中五行「漂淪」，徑、清作「漂流」。
- 一 八三五頁下一行「飢渴」，徑、清作「飲渴」。



妙法聖念處經卷第三

漆

大宋景德元年歲次庚辰四月十五日庚辰詔

尔時佛告諸比丘言若復有人於未來世末生人天賦離苦果應當遠離諸業煩惱暴惡淫逸及離妄語破壞損惱一切有情修諸善業漸令增長相續恒時獲報安樂捨離苦惱尔時世尊即說偈言

暴惡能遠離 苦滯果非有 輕毀妄語無 聞名皆歡喜

邪執宿冤賊 伏除令不起 覺悟煩惱除 恒修諸對治

尔時佛告諸比丘言若復有人值遇違緣於自及他應當覺悟破壞遠離虛妄計執想諸聖賢修於忍行又於財物離貪妄想人及非人世及出世正道非道若男若女善惡業果真實虛妄官殿房室恭敬供養乃至一切諸染淨境勿起妄執亦非憎嫉真實離妄悲愍有情入聖階漸遠離地獄損壞琉璃除滅黑暗修習智惠貪念捺因猶如火毒悉應捨離業報艱辛

懺悔發露不應覆藏文字曉了宣說 苦因咸應遠離

佛告比丘若復有人於諸惡友及他眷屬勿生憎嫉應起是念我從無始多劫已來輪轉諸趣父母親族善友知識輪轉生死往來不定於諸有情應當悲愍起親愛想貪瞋等惑由此遠離

時諸比丘白世尊言若復有人虛妄兩舌離間彼此當感何果願佛演說我等樂聞利益未來一切有情佛告比丘應知兩舌獲報差別略有十種何等為十一種族卑賤眷屬乖離二遠離善友惡友增多三愚癡暗鈍增長過非四毀謗聖賢不信因果五藏護已失樂說他非六虛妄轉增忠實行寡七死墮地獄受者無窮八忘縱貪瞋惡名流布九財貨散失恒時憂苦十遠離正法恒生邊地比丘應知兩舌之業獲報如是不應執著皆當棄捨

於是比丘復白佛言若有眾生發廣惡語感於何果佛告比丘應知語業

梵經卷之六 第三

佛說阿含經卷之三

佛說阿含經卷之三

獲報有十何等為十一者口出刃焰
焚燒自身二者邪見熾盛無惡不作
三者遠離聖賢日增惡友四者眾皆
厭棄猶如諸毒五者外器險隘高下
不等六者煩惱熾盛壞散財物七者
焚燒眾善非法轉增八者身體臭穢
間皆嫌厭九者支節枯乾恒時病苦
十者死墮險趣輪轉生死比丘應知
此惡語業招如斯報汝應遠離

爾時世尊乃說頌言

眾善應可愛如父復如母 美善體安然
能離於喧諍

美善入天喜 美善增勤勇 美善眷屬多

美善三塗離

美善息諸惡 美善離煩惱 能棄語過非
應修諸眾善

今時世尊說此偈已告諸比丘如是
所發惡惡之語悉應遠離伏除不起
勿令增長墮於地獄受飢渴苦種種
痛惱於被惡趣恒時飢渴如大焚燒
常思飲食量如芥子終不能得何況
多食

比丘應知彼諸有情由此惡業極苦

纏縛飢渴焰火相續逼迫時無暫息
如是苦果皆由虛妄惡語業之所
招感比丘應知虛妄惡業及諸功德
人天勝善皆由心造若癡增上輕毀
賢善起惡意業遠離平等樂說彼此
長短是非如油欲盡燈亮漸暗智慧
損減過犯轉增是故比丘恒應遠離
虛妄惡業勿令侵害於他名利若生
嫉妒及諸忿等惱亂身心時無暫息
比丘應知此等惡因焚燒自善於當
來世必招苦果輪迴不息應當棄捨
時諸比丘復白佛言若有眾生於情
非情恒起嗔念獲於何報
佛告比丘應知嗔念於當來世得十
衰損何等為十一者冤家增盛人皆
嫌厭二者生於邊地遠離正法三者
榮纏諸病貧乏困苦四者死墮豺狼
噉險暴惡五者或處毒蛇恒時瞋恚
六者諸根醜陋眷屬乖離七者死墮
黑繩受苦相續八者肢體乾焦眾苦
燒然九者增於邪執毀謗聖賢十者
恒與三塗輪轉不息如是十種皆由
瞋恚比丘當知惡應遠離

今時比丘復白佛言若有眾生恒修
無瞋獲於何報佛告比丘得十勝利
何等為十一者善美流布二者遠離
慢輕三者能伏瞋恚四者三塗捨離
五者冤敵不侵六者恒生人天七者
眷屬圓滿八者諸根無缺九者色相
具足十者成就解脫比丘應知如是
勝利汝當修習

爾時世尊乃說頌言

衰損由瞋業 沉淪苦海深 諸根多缺陋
逼迫事難任

善因生善道 非法入涅槃 傍生并鬼趣
善惡業恒隨

今時世尊說此偈已告諸比丘善惡
之業損益不同牙相增減隨業勢力
受報非虛

時諸比丘復白佛言有情慳貪不行
惠施自無依託迷暗愚癡不信因果
毀謗聖賢獲報云何
佛告比丘若諸有情慳貪不信於諸
財物自不受用何況施他應知比丘
無智愚人遠離善友復造諸非由此
因緣墮諸地獄受苦無窮彼諸比丘

問是語已憂愁悲惱哽咽號泣復白
佛言此諸有情復於何時當捨此苦
願佛演說利益未來

尔時世尊告諸比丘乃說頌曰

人間六萬歲 阿部陀晝夜積彼年及月
初三萬六千 承斯餘壽命後後二萬增八寒大地獄
相續苦無盡

尔時世尊說此偈已告諸比丘此大
地獄受苦有情由身語意輕慢賢善
毀謗正法造作非法破壞佛形焚燒
經典謗真實法言無義味由此業因
牽引有情墮險惡處種種治罰相續
受苦而無窮盡

時諸比丘復白佛言若復有人於佛
正法甚深經典讀誦演說令他信受
發菩提心獲何勝利

尔時佛告諸比丘言功德無量微妙
最勝此諸有情受持讀誦如是深法
敷演解說依法修行起於正信伏除
障滌遠離惡趣恒處人天安隱快樂
一切聖賢護助稱讚於當來世獲得
最上多聞慧持福德智慧憶念不忘

官殿珍寶悉皆具足乃至圓寂速得
成就恒離老病慳貪嫉妒迷惑醉亂
毀謗正法虛妄邪執八難艱險及諸
非法悉能遠離

尔時佛告諸比丘言若復有人愚迷
邪執於諸世間虛妄愛樂廣造諸非
於其所作亦無悔恨其心增盛諸惡
相續不怖險處遠離善友由此業因
輪轉地獄受苦流果決定非虛

比丘應知諸有智者悉皆捨離諸不
善業發起正信修習對治

比丘當知由心造罪獲果亦然解脫
生死流轉諸趣亦由於心能行諂誑
又能調伏亦能暴惡能趣三塗得大
怖畏亦由於心又能捨離修諸善法
而能棄背真實安樂及能遠離虛妄
顛倒種種因緣果報差別若假若實
獲報決定及不決定有益無益若善
非善皆能遠離亦能顯於二空之理
譬如明燈能破黑暗復能顯現諸物
像等心亦如是又如善惡因果差別
牙相隨逐恒不捨離輪轉諸趣亦由
於心又如染淨隱顯雖殊牙相增減

假實理事亦非即離正見邪執愛非
愛業出離沉淪理非即離皆由心造
比丘應知諸業繫縛往來生死猶如
縲索繫縛有情恒不自在愚迷虛妄
煩惱纏縛障覆真理令智不起於法
非法不能了達亦非修習趣證之行
二空真理無由顯證

比丘當知此由無明迷於正理於佛
教法曾無所悟障礙留難自不依修
復障他學妄說過非深增厭離由此
業因毀謗正法諸佛冤賊世世愚昧
恒墮黑暗地獄之中備受眾苦而無
窮盡從彼出已復墮餓鬼愚迷暴惡
牙相殘害恒時受苦飢渴逼迫而無
暫息受種種苦復從彼出墮畜生中
疲乏飢困眾苦纏縛恒無止息瞋心
增猛牙相食啣極惡意樂相續不斷
亦如世火能燒林野此業亦能燒
眾善損害有情

尔時世尊乃說頌曰
迷惑諸有情 謗佛毀正法墮落於三塗
窮劫不能出
恒處地獄苦 黑暗絕光明餓鬼及傍生

尔時佛告諸比丘言功德無量微妙
最勝此諸有情受持讀誦如是深法
敷演解說依法修行起於正信伏除
障滌遠離惡趣恒處人天安隱快樂
一切聖賢護助稱讚於當來世獲得
最上多聞慧持福德智慧憶念不忘

飢虛無窮盡

有情由業縛智惠煩惱覆險惡海沉淪劫壞不能免

今時世尊說此偈已告諸比丘由前謗法惡業之因輪轉三塗受苦無量從彼出已若生人中貧窮困苦諸根不具飢渴所逼煩惱增盛其性暴惡猶如象馬龍候不調愚迷邪執恒時相應痛苦纏縛而無間斷其心放逸虛妄攀緣時無止息聲音瘖瘂不值正法恒處邊地智惠乏少愚癡邪執受種種苦而無窮盡比丘應知謗法之罪獲報無量說不能盡

佛告比丘若復有人修諸靜慮趣求解脫於佛法僧不生毀謗恒時尊重稱讚信受猶如父母亦如善友恒時愛護尊敬信受不起邪謗令心歡喜時諸比丘復白佛言有情云何捨離過非修習勝行願佛演說利益未來今時世尊告諸比丘諦聽諦聽今為汝說若復有人捨離身語諸不善業恒修善業又於三世安住觀察伏諸邪慢尊重三寶策勤三業趣證菩提

復於三時遠離諸執及貪瞋等

復次比丘由於三業離諸過患安住

愛樂三聚淨戒趣三菩提及三真如

遠離煩惱安住思惟令心平等觀察

最勝復離慢疑三業清淨伏除障染

於一切處能離繫縛修習正行憶念

苦空樂趣解脫微妙甚深遠離諸惡

發起方便破壞愚暗及諸貪欲是故

比丘應修善行棄捨諸非及能遠離

飢渴寒熱顛倒容穢穢穢暗破裂憂曲

悔恨種種諸苦皆悉捨離獲於人天

富饒安樂聰惠廣聞恒修捨行及諸

香燈花鬘瓔珞諸供養具

復次比丘若起邪執慳貪嫉妒虛妄

誑誑墮於餓鬼受諸苦惱逼迫殘害

相續無斷飢渴焚燒業因熟時鐵毒

難免憂苦纏縛遠離解脫

時諸比丘白世尊言此諸有情云何

得脫如是眾苦復於何時而得解脫獲於正信我令思惟不能了達又此有情於鬼趣中日夜長時恒受飢渴寒熱憂苦身首乾枯癡暗迷覆恒無暫捨願佛演說

利益未來

佛告比丘此諸有情於過去世造諸

惡業不修福慧慳嫉虛誑煩惱熾盛

志縱貪瞋不能伏除命終之後墮於

地獄受苦無量從彼出已復墮餓鬼

眾苦逼迫飢渴纏縛於一切處恒時

受苦無救無依思念飲食終無所得

悔恨號哭念我何時當捨此苦

比丘應知愚癡有情煩惱纏縛由惡

三業輪轉三塗受如斯苦

比丘當知若復有人近事男女諸天

魔梵破彼惡業修習善法愛樂具諦

審觀自身四大五蘊皆悉虛幻是故比丘

水泡芭蕉夢電皆悉虛幻是故比丘

於諸善法修令增長於一切惡對治

不起安住人天最勝可愛皆得自在

身語意業遠離諸非虛妄欺詐及諸

驚怖決定棄捨愛樂最勝寂靜思惟

離諸散亂造作眾善初中及後今無

間斷降伏諸根捨離繫縛及諸惡趣

愚癡黑暗不了果因廣作不善輪迴

三塗被受眾苦

今時世尊而說頌曰

若樂於任處 應觀胎藏苦 遠離顛倒貪
破壞令不起 纏縛於業繩 三塗苦無盡 來往似蟻環
沉淪難出離

介時世尊說此偈已告諸比丘老病
死苦纏繞有情恒不捨離譬如魚鹿
網箭纏縛亦復如是

復次比丘貪愛如毒瞋恚似火虛妄
諂誑迷覆淨心熾然煩惱恒相隨逐
令不出離若復有人貪求財物廣行
虛誑養活身命妄執纏縛輪轉諸有
如魚吞鈎因貪所起如焰中水從愛
心生

今時世尊乃說頌言
迷執虛妄見業緣有幻身果因恒離倒
離因果非真
輪轉因煩惱了達證真空解脫煩惱離
真實理非無
最上妙覺位二障悉皆亡湛然恒不動
利樂諸有情

介時世尊說此偈已告諸比丘若復
有人起謗不信損壞三寶花卉果寶
貨易活命以此因緣墮於惡趣彼有

獠狽及諸鷲鳥其背鋒利猶如金剛
形自醜惡燒亂驚怖來集食肉身肉
手足眼目骨髓周徧無遺受苦無量
業繩纏縛隨逐不捨而無依怙亦非
救濟輪轉如是三惡往來恒不捨離
從彼出已復墮餓鬼飢渴所逼增長
眾苦口吐火焰如山相續而無間斷
設降大雨徧一切處此惡業之終不
能滅

比丘應知若復有人修習施戒乃至
智惠而能解脫種種眾苦
復次比丘惡業為因招三塗果有情
迷執不能伏除分別俱生煩惱一百
二十八使於三界內欲四諦行乃有
十二上二合論二十四行約三界說
復次比丘四諦四智乃有十六及二
見道修四念處八正道支五根五力
解脫暴惡速離焚燒

復次比丘最上二諦智應修習及三
念住遠離眾魔及諸餓鬼飢渴困苦
增長白法

介時世尊乃說頌曰
十惡因心造 沉淪路險巖 執貪癡境縛

果威必相隨 極苦泥梨趣 堪嗟無所依
緣熟如影嚮 壞劫報難移 三業勤精進
多聞習摠持 二嚴修六度 圓滿證菩提
介時世尊說是偈已告諸比丘若復
有人修三善業施戒多聞捨離暴惡
愚迷貪愛解脫眾苦及離不善地獄
餓鬼比丘應知諸餓鬼界受種種苦
寒熱飢渴痛惱逼迫不能遠離由此
惡業我慢虛詐墮落三塗於彼趣中
互相殘害貪瞋纏縛恒時不捨由昔
遠離布施持戒及於多聞造作諸非
不能了知法非法等及於正信亦皆
迷聞而非省悟由此障礙人天善趣
不能修習亦非觀察得失等事
時諸比丘復白佛言向素羅越何業
所招介時佛告諸比丘言應當諦聽
今為汝說彼向素羅由昔虛詐恒時
諂曲業及諸惑纏縛不捨墮於彼趣
亦由不信謗毀賢善於正因果不能
了悟墮於彼趣而無智惠愚迷妄執
怖畏怯懼恒非安隱
介時帝釋忉利諸天聞佛所說歡喜
踊躍即於佛前以偈頌曰

六三——八四一

一二二六 妙法聖念處經 卷三

妙法聖念處經卷第三 第五品 淨信品

平坦三乘路 牟尼親所宣 眞空無漏理
本體離諸纏

應物興慈廣 懷悲愍苦深 光明恒照耀
不捨利他心

尔時帝釋說此偈已合掌恭敬在一

面立佛告天帝三乘淨法汝應修習

離諸繫縛平等清白能離險隘絕諸

黑暗光明無染猶如珍寶體性清淨

諸天歡喜愛樂最勝寂靜修習奉持

不捨又於戒施及三摩地觀察愛樂

亦如諸天敬事天主遠離過非尊仰

瞻奉及諸有情柔軟和美若生天上

獲身淨妙遠離貪恚息除塵垢及諸

境界貪念因緣解脫沉溺破壞諸有

親族朋寮互相憎嫉五欲淤泥悉皆

遠離處諸有情謙敬和順安住恒時

善離諸染威儀有軌糾擻煩惱降伏

魔羅智慧安住最勝清淨善護三業

恒習靜慮棄捨惡友及非梵行永離

繫縛恒處諸天良友知識勸發大心

速登彼岸

妙法聖念處經卷第三

妙法聖念處經卷第三

校勘記

一 底本，金藏廣勝寺本。

一 八三八頁上九行第二字「惡」，[資]、

[磧]、[普]、[南]、[徑]、[清]無。

一 八三九頁上四行末字「日」，[資]無。

一 八三九頁下六行「趣證」，[石]作「趣

理」。

一 八三九頁下一〇行第九字「深」，

[清]作「無」。

一 八四〇頁上一三行「不能盡」，[石]

作「不盡盡」。

一 八四〇頁中二〇行「我令」，[資]、[磧]、

[普]、[南]、[徑]、[清]、[麗]作「我今」。

一 八四〇頁下二二行「被受」，[磧]、[普]、

[南]、[徑]、[清]作「備受」。

一 八四一頁上三行末字「環」，[磧]作

「還」。

一 八四一頁上一五行「果因」，[石]作

「因果」。

一 八四一頁中六行第六字「懂」，[徑]

作「隨」。

一 八四一頁下一行第二字「惑」，[石]

作「惑」。

一 八四二頁上一行首字「亦」，[石]

作「及」。

一 八四二頁上一三行「息除」，[徑]、[清]

作「悉除」。

妙法聖念處經卷第四

大正藏經卷第... 卷第四

尔時世尊四眾圍繞樂聞深法瞻仰
踊躍時諸苾芻白世尊言若復有人
愛樂諸天受勝妙樂不墮三塗修何
因行獲此勝報願佛演說利益未來
尔時世尊告諸苾芻若復有人恒修
布施持戒靜慮作意堅固修習增長
遠離繫縛染欲諸纏不起過非令智
增明廣修眾善命終之後諸天化生
自在無礙形相具足富樂無比多諸
眷屬善友知識牙相和順謙敬離慢
愛樂深法恒值聖賢說法勸導遠離
三毒諸不善業恒樂正法內心寂靜
離於睡眠覺悟虛妄趣求勝法了達
深信猶如眾星處於虛空種種光彩
嚴麗殊妙若諸天身宮殿樓閣亦復
如是眾妙珍寶種種莊嚴光明照耀
圓滿色相具足無比言不能盡
尔時世尊乃說頌曰
世及出世間一切由心造猶如工畫師
巧善皆成就

沉溺於三有出離亦由心如慧自纏縛
迷執諸境界

尔時世尊說此偈已告諸苾芻一切
有情輪轉三有迷染境界散亂纏縛
於諸正道而非覺悟法及非法真實
虛妄勝慧邪執亦皆不了於阿素羅
眷屬妓樂眾多圍繞愛樂嬉戲迷亂
耽染恣縱淫逸恒不棄捨
比丘應知觀察於彼勿生迷執應修
施戒守護清淨能得諸天宮殿五欲
父母親友珍寶財物皆悉具足及諸
庫藏受用無盡眾所愛樂
比丘當知有智之人能護淨戒能趣
善道及能稱讚最勝無比寂靜安樂
能離沉溺所獲根形勝妙具足光明
照耀稱歎無盡護戒最勝水火強賊
不能侵毀護戒最勝能離卑賤趣向
圓寂
護戒最勝福德增長恭敬尊重護戒
最勝美名流布聞皆歡喜護戒最勝
貪念遠離煩惱輕微護戒最勝圓寂
速證護戒最勝恒處人天護戒最勝
成就三昧護戒最勝能息諸障護戒

妙法聖念處經卷第四

第三法

最勝身心安樂護戒最勝堅固福德

護戒最勝傍生遠離護戒最勝裸形
棄捨護戒最勝團死自在護戒最勝
眷屬圓滿護戒最勝潔淨三業護戒
最勝諸天適悅護戒最勝所願皆成
護戒最勝恒值善友護戒最勝遠離
飢饉及諸怖畏護戒最勝三災八難
皆悉遠離護戒最勝譬如利器能斷
不善護戒最勝寬廣自在離諸繫縛
比丘應知護戒清淨獲如是等無量
功德佛告比丘若復有人護戒清淨
諸天化生恒處摩尼宮殿樓閣園林
浴池愛樂遊戲極妙境界觀察無窮
自在無礙
尔時世尊乃說頌曰
六根緣諸境惑業從此生沉淪三惡道
相續無間斷
猶如於野火能滅諸柴薪根識緣於境
善滅亦如是
尔時世尊說此偈已告諸比丘若復
有人毀犯淨戒趣求人天安樂勝報
終不能得所有宮殿珍寶眷屬亦皆
離散

妙法聖念處經卷第四

第三法

比丘應知若有智者護戒清淨捨離
三塗恒處諸天七寶階道遊戲往來
自在快樂珍寶無量見者歡喜最勝
園林權娛自在身充照耀猶如燈燭
經行宮殿種種殊妙勝報難窮不可
稱歎

尔時世尊告諸比丘殷勤護戒潔淨
澡浴於一切處寬廣無礙天曼瓔珞
恒自莊嚴天諸音樂相續不絕受諸
快樂於一切時上妙之境思念即至
園苑種種花果茂盛又於一切若人
若天恭敬供養清淨奉事

是故比丘守護淨戒悲惡三惡受苦
有情濟拔出離若復有人恒行惠施
於諸有情困苦飢貧復離殺生廣修
衆善獲報天上遠離邪欲恒起正信
愛樂圓寂不貪世間所有利名及諸
酒色虛幻不實皆悉遠離於諸有情
捨離毀犯及業煩惱

尔時世尊乃說頌曰
果從業或有如樹依根生或業手為緣
相續無窮盡
善惡因心造如影不離身蜜毒手相和

妙法蓮華經卷第...

第...

...

衰損亦如是

尔時世尊說此偈已告諸比丘若復
有人諸天福盡衰相現前所有眷屬
皆悉捨離如燈將滅光明必暗諸天
亦尔當於此時福命欲盡衆苦所逼
憂惱纏縛恐怖無量身心逼迫起諸
煩惱由此非久必當命終隨於宿業
墮於三塗或處人中輪轉不息猶如
枷鎖繫縛有情沉溺諸有不得解脫
迷惑正信遠離寂靜親近惡友及結
宿冤

比丘應知如是三界輪轉諸趣皆由
惑業不能伏除亦非省悟由此業惑
隨逐有情焚燒不息猶如柴薪被火
焚燒焰猛增盛此三毒火能燒衆善
亦復如是

比丘應知此貪瞋癡猶如大河漂溺
有情令不出離又此貪等猶如繩索
繫縛衆生不得解脫又此貪等亦如
塵垢染污有情不得清淨是故智者
應當除斷若復有人護佛淨戒及行
惠施捨離誑詐伏除貪癡漸令輕微
了達諸法不起執著

妙法蓮華經卷第...

第...

...

比丘當知若復有人貪等諸惑苦種
若現不能伏除而不出離三有諸苦
譬如渴人飲於鹽水渴無由免

比丘應知觀察無上解脫快樂趣向
圓寂修習靜慮滅除諸染勿著繫縛
墮落泥梨恒受衆苦違背正道天阿
素囉悉皆捨離諸龍瞋怒非時風雨
四時不順穀米不熟人民飢饉所有
快樂皆悉遠離可愛宮殿及諸園林
極妙境界壞滅非有庫藏財物皆悉
隨散手相殘害迷妄顛倒而非省悟
最上利益曾無修習三乘正法毀謗
非有迷於三界妄執真實以為究竟
日月星辰亦皆妄計乃至一切有情
所有罪福妄撥非有甘露正法不能
了達恒生憎嫉猶如冤毒獸棄捨離
比丘應知愚迷有情於諸世間苦中
執樂不淨計淨歸依邪道妄執最上
極惡之處愛樂修習於無常等不能
了達妄計邪法以為最上愛樂決定
精勤修習義利非有不免輪迴苦滋
恒時智者觀察不應迷執了達虛妄
顯現是非悟省醉迷令心不亂時諸

妙法蓮華經卷第...

第...

...

大衆圍遶世尊聞法歡喜娛樂慶快
繫縛捨離瞻仰如來目不暫捨

尔時比丘乃說頌曰

譬如藕弥盧莊嚴四寶成七金周圍遶
八海湛然清

世尊相無比理智離言詮萬行因修滿

三身果德圓人天瞻仰望願說宿因緣

時諸比丘偈讚佛已白世尊言欲色

諸天形量福德差別有殊願佛演說

利益未來

尔時世尊告諸比丘善哉善哉應當

諦聽吾為汝說若復有人奉持淨戒

善護諸根令無毀犯三業清淨於諸

有情悲愍饒益勤修方便捨離散亂

趣求靜慮於所修因勝劣不等有上

中下果感亦殊乃至外器官殿莊嚴

高下狀貌隨宿因緣皆悉有異

佛告比丘由護淨戒及行惠施恒處

諸天捨離諸垢所有纏縛伏除不起

於彼諸天内身外器愛樂趣求不生

毀謗破壞厭離命終之後決定生彼

獲報勝劣隨因有異

比丘應知護佛淨戒諸天宮殿恒自

妙法聖念處經

卷四

第

快樂護佛淨戒捨離諸苦解脫無染
護佛淨戒天曼瓔珞恒自莊嚴護佛

淨戒烏鉢羅花妙香適意護佛淨戒

極妙境界悅暢無盡護佛淨戒龍天

八部恒時助祐護佛淨戒眾寶莊嚴

離諸垢故護佛淨戒種種天花色妙

開敷隨心自在護佛淨戒微妙香風

悅意無盡護佛淨戒房室園林慶快

隨意護佛淨戒獲於種種摩魯迦花

瞻波迦花計多迦花出妙香氣最上

無比恒現在前護佛淨戒遠離諸橫

護佛淨戒善種增長護佛淨戒犯戒

之緣皆悉遠離護佛淨戒圓滿忍行

護佛淨戒妙寶階道成就現前護佛

淨戒工巧種種及可愛具悉得成就

比丘應知護佛淨戒於當來世獲果

如是猶如畫師世及出世種種形像

皆能成就護戒亦不於當來世所有

一切隨意成就

若復有人毀犯淨戒於當來世沉淪

惡道受種種苦捨離人天可愛之境

亦如彩畫風雨煙塵而能破壞貪瞋

等垢能壞淨戒亦能捨離世及出世

妙法聖念處經

卷四

第

可愛之果

復次比丘貪等諸惑能壞有情所有

善業亦能增長諸不善業如世之火

猛焰增長能壞柴薪

比丘應知有情根識攀緣六塵迷惑

不了虛妄執著境界纏縛起於貪瞋

諸業隨生輪轉諸有受苦無量不能

遠離貪欲諸毒愚迷不了貪火威猛

損壞眾善及諸可愛宮殿林池眾妙

果實悉皆散壞揮娑囉迦勝妙福報

珍寶無量庫藏盈滿娛樂自在父母

眷屬福德最上世所希有快樂無礙

比丘應知若復有人修習檀度於當

來世財物具足離諸損壞檀度最勝

快樂自在檀行最勝福報隨形如影

不捨檀行最勝人天可愛莊嚴歡喜

檀行最勝能離貧乏檀行最勝慳吝

不起檀行最勝能伏愚癡出離三塗

檀行最勝見者歡喜檀行最勝諸根

無缺檀行最勝傍生樂見檀行最勝

遠離愛憎檀行最勝邊地不生檀行

最勝諸天快樂檀行最勝離苦纏縛

檀行最勝超越輪迴檀行最勝娛樂

妙法聖念處經

卷四

第

自在檀行最勝能趣三乘究竟解脫
復次比丘應當觀察輪迴諸苦衆多
逼迫應當厭離審諦觀察彼非究竟
無常敗壞如夢如焰芭蕉非實乃至
色界及無色界所有境界虛幻不實
而非究竟應當厭離不應封著妄為
最勝令心愛樂
佛告比丘圓寂安樂遠離諸相體非
一異亦非三世彼此俱非離諸繫縛
究竟圓滿汝當趣求勿應棄捨自在
無礙寂靜無染應當速證

妙法聖念處經卷第四

乙巳歲高麗國大藏都監奉
勅雕造

妙法聖念處經卷第四

第十卷

卷

妙法聖念處經卷第四

校勘記

- 一 底本，麗藏本。
- 一 八四四頁上二一行第四字及第一
一字「或」，諸本作「惑」。
- 一 八四五頁上一八行「及行」，**南**作
「愛行」。
- 一 八四五頁中三行「適意」，**資、磧、**
普、南、徑、清作「遍意」。
- 一 八四六頁上四行「芭蕉」，**石、資、**
磧作「芭蕉」。
- 一 八四六頁上六行「妄為」，**磧**作「安
為」。



妙法聖念處經卷第五

漆

大善奉行法智如神聖者善持戒律者自美承襲

爾時天上帝釋而白眾言汝所作善守護增長如意歡喜即說如他曰

三種善作已三種三因緣三位次三地

三德三大果不殺施最上此法汝愛樂

得其實忍辱獲生一切天隨身有宮殿

快樂受無極若人好不善生處無安樂

邪法被增纏云何而出離作此人天善

薰修本識中彼業感果時得生人天界

於彼生愛樂心自住安樂

爾時天上帝釋而復白言汝等具大

福德獲生天界受天快樂隨其福果

勝劣各異若種種作福薰識身中後

生天界得種種快樂如是一切林木

花果悅適人意入彼林中彼天飛鳥

演說言音令人樂聞為彼天子即說

如他曰

善來汝賢敏宿習於上善堅持七律儀

成就最勝果生彼天界中受天快樂報

廣持於禁戒得離沉淪苦猶戒清淨故

感天勝妙池隨意而洗浴復雨紫金花

妙法聖念處經卷第五

第五

漆字

散布於身上及彼功德池以彼戒種子

念念為防非天中上妙樂隨意而受用

若人意決定守護於禁戒生彼天界時

快樂無邊際以此戒莊嚴得趣善道果

而受解脫樂破戒罪惡深如刀及火毒

是故堅持戒而修施法財遠離於毀棄

業有上中下感果亦復然今成勝報身

常戴光明髮受天種種樂皎潔身無垢

若人造惡業苦果自纏身展轉受沉淪

生死無窮盡汝既來生此受天眾娛樂

出遊諸園苑勿著於放逸逸蕩過失深

如來常說此是故放逸者三毒中最上

精進如甘露心頂自清涼永超生死輪

究竟善提岸彼時我如來演說微妙言

離我速修行莫著顛倒想若有違背者

貪等諸惑生斷彼解脫緣漂沉諸苦海

爾時天上帝釋速疾往彼善法堂中

諸天妓女及一切天眾皆來善法堂

中到已娛樂種種遊戲于時天帝觀

察娛樂而知天眾虛妄耽著增長煩

惱即說如他曰

虛妄境界中貪愛而無足有情迷執深

增長諸煩惱被境縛根識如毒藏在食

於後若消時迷悶無安樂無前後中間
 非今世後世因緣會遇時業報誰能避
 尔時天主帝釋說此如他已而復告
 言假使少年強力未必長生四相推
 遷速歸散滅顯現快樂無實自性樂
 受盡時逼迫身心無暫安隱汝等勿
 得信任癡迷愚惑詭詐若於一切境
 界深著不足後致大患譬如熾火焚
 燒草葉貪著境界增諸過失亦復如
 是被煩惱火燒者身心棄背正道衰
 相現時墮落天界是故我今教化汝
 等割截煩惱去除迷惑一切天眾自
 此恒作利益於最上行法志固修習
 後得寂靜最上安樂汝今勿得慢易
 速作良田於當當世而得最上報應
 適意無盡若作惡業種種隨身墮墮
 天宮沉淪惡趣一切官殿樓閣悉皆
 隱没尔時天主帝釋見其天子須臾
 命終墮於惡趣而說伽他曰
 微妙香蓮華 種種生華頂 最上適意寶
 處製作莊嚴 流泉與浴池 雜色花果樹
 及紫金幻樹 靈鳥群集上 常出微妙音
 悅樂諸天眾 無垢琉璃寶 間雜金色光

最上妙樓臺莊嚴恒適意 群生不遠離
 寧知是幻化 如泡如水沫 如雷如浮雲
 亦如尋香城 須臾即散滅 虛妄若生貪
 墮墮輪迴路 癡愛毒如火 焚燒於善根
 減損於天眾 去一切善根
 又復告言若天愚癡愛人誰惑為天
 阿素落羅刹等之所降伏後墮地獄
 復為龍蛇遠離諸天長與三界如繩
 繫縛而不自在若離癡愛明了通達
 利益有情歸依佛道永出世間斷有
 愛支得一切智平等無尋得三解脫
 證悟苦空到真實際遠離輪迴不受
 後有色香味觸而不染著時彼天帝
 見多天眾念無常增諸過失深生
 悲愍發誠實言而說伽他曰
 如是天道終 沉淪百千劫 猶如旋火輪
 生死何窮盡 見他受無常 不觀於自己
 後自命終時 違害亦如是 若捨垢穢心
 不著於境界 生死莫能侵 常住真寂樂
 戒行若違犯 如醉飲藥毒 非天魔死軍
 纏縛誰救濟 微塵分面上 自心何知見
 命謝卧林間 誰悟從貪愛 若生於貪愛
 同住苦無常 永處於生死 現離於安樂

大惡不斷除 輪迴從此得 譬如暴惡風
 能吹山頂葉 自業得生天 娛樂果自受
 潔戒不愚迷 安樂自充足 貪愚招墮墮
 如火而起煙 後自墮泥黎 業報亦如是
 尔時有天名烏波鞞踰宿善業力生
 初利天彼有苾芻為其天王而說伽
 他曰
 若作種種業 處處安攀緣 以心迷惑力
 一切業成就 前心最勝故 後心相續生
 無間引生彼 三界因無盡 一切業報身
 離心不可得 是故降伏心 當獲無盡果
 汝速勤修進 調伏離執迷 滿善得隨心
 究竟獲安樂 心若恒調伏 永不增諸過
 智者善伏心 諸苦不能害 若心得彼苦
 苦苦後相續 一切境界中 而得輕心報
 天人阿素落 龍鬼羅刹等 不離於一心
 心為三有主 三有自心生 地獄與天人
 隨心生罪福 流浪任漂沉 壞善因迷境
 愚癡貪發生 住苦廣無邊 沉溺而難出
 難調心力大 奔馳速若風 天眼勿緣形
 識相皆如是 智者善調伏 遠離魔羅縛
 超度生死河 速到於彼岸 疑惑不正直
 無恣惡難止 一多微細行 不任刹那中

行相難窮無身一切處世間誰牽引
 往者復是誰藏伏甚法中造作於身業
 雖見行表差莫親相應法云何調伏難
 無色無形相陋惡損眾生取境明如眼
 善惡作難見譬如幻化士本性狀難窮
 往復誰能親牽引於群生諸趣恒流轉
 利劍不能截猛火燒非斷一切有情心
 業力相如是業繩而堅固纏縛於群生
 三性而不恒須臾善非善亦復捨受俱
 攀附六根門妄求於塵境染著世間故
 不悟生滅法如鏡唯照前而不鑒於後
 今時天子聞彼慈芻說如是事昔作
 純善今獲勝身而說伽他曰
 昔修靜慈慎護於戒行以此微妙因
 得任安樂道善護持戒者防非發律儀
 當得斷諸惑證圓寂滅樂戒有大威德
 能超諸有苦乃至命謝時無彼惡道畏
 惡道無能救戒力救最上若有持戒者
 萬善皆依怙後果得生天永離諸險難
 佛法聖聖師三界咸尊重
 今時諸天子等五體投地歸命作禮
 生算重心彼時天主帝釋倍生忻慶
 歎莫至深而說伽他曰

解脫貪瞋毒群生親道友能到於彼岸
 我今歸命禮降伏愚癡失無為無比等
 一切眾所尊我今歸命禮
 時彼天中有諸飛鳥或在空中翱翔
 上下或集寶池嬉戲水內有諸天子
 樂逸縱蕩與諸飛禽同共遊行耽樂
 欲樂不怖惡道今時慈芻為彼天子
 宣說伽他曰
 傍生耽欲樂遊戲志愚迷天眾亦復然
 等彼飛禽類正教師宣說汝等心顛倒
 不怖於罪業耽樂著世間若天有罪業
 墜墮於地獄業力如是毒智者常遠離
 薄德少慧人但觀前欲樂不復追思惟
 成就諸苦果若有智慧人照觀一切惡
 未斷諸惡業利益於群生罪業生諸苦
 勝因得離縛善惡行不同報相亦復介
 迷苦妄為樂求安不可逢具智勿為非
 不久至寂滅善修諸業靜巧便集善根
 三昧自現前速到無生位勿復戀傍生
 遊嬉於園苑懈怠轉增多後墮飛禽類
 若復無少智善惡業不分餓鬼阿素囉
 地獄亦如是於業能分別於報亦通達
 彼於諸業中深窮垢靜相晝夜常精進

思惟三脫門永不懂泥黎究竟獲安樂
 天子汝當知自樂自善成自感生自苦
 苦樂不離心於過應遠離染著諸塵境
 縱逸癡所盲不覺死王催沉淪於地獄
 苦惱而無極
 今時彼天有百千天女色相端嚴隨
 意自在於彼林間歌唱遊戲彼有飛
 禽知天宿善而說伽他曰
 勤修宿善業今復得生天若行非善因
 而復沉惡趣業報既決定諸天皆平等
 安樂非安樂汝等今當知愛染為害本
 業繩隨繫縛輪轉而不窮運因業繩力
 上至非想處下及於三途往返疾如風
 生數復如雨諸趣而循環無始長如此
 若人心寂靜如水湛然清離身如虛空
 而獲最上樂五識緣塵境三惡業相牽
 一法捨盡時不得生天界殺盜婬妄毒
 常為惡道友燒煮如炎火智者應觀察
 真實忍辱慈出世善良友親近若修習
 當得三天果制伏邪亂意慎護觸等貪
 後有定生天成就白業果若於生死業
 而不求解脫焰魔親鬼來云何得遠離
 今時天主帝釋而復白言若有眾生

不怖諸惡於一切處。心所染著以染著故。隱沒智慧。妄言綺語。虛誑邪詭。恣亂有情。棄背正教。親近邪師。不孝父母。乃至善根。斷業繩繫。縛如箭速。疾死入地獄。種種治罰。受諸極苦。無有休息。汝等從今於生死罪緣。速須棄捨。莫復貪著於自身命。分限短長。審諦觀察。有為諸行。剎那生滅。何得久住。如水浮漚。如鏡影像。如電剎那。如雲散滅。若天福盡。樂受捨位。一切衰相。不覺現前。逼迫身心。如何當忍。是故我今宣示言。汝今當須勤行。精進忍辱。柔和慈愍。有情守護。六根修行。四諦不取。惡親而修。平等智慧。增長深入。義味皆妄。照真導引。禪定業惑。盡時後有不生。得俱解脫。

他曰：如是十二處六境及六根識等。生滅時相應成妄想。智者善修心。不住色等法。而入寂靜門。湛然無一相。勤求寂靜。故不墮魔羅界。以此靜妙心。恒時而憶念。若行如是慧。惑世云何生於其三世中。

自在無驚怖。煩惱縛自解。罪垢不可染。慧眼得圓明。常住真寂行。天身大快樂。尚被罪垢推。云何人愚迷。廣造十惡業。若人修智慧。了達罪福因。怖業若死使。永出苦根本。

今時帝釋昔聞世尊所說惡趣之事。即為天眾宣說佛言。若人得脫生死。罪根常值善友。植諸善本。若生天界。受妙快樂。宮殿莊嚴。報應無量。若不怖惡道。貪著娛樂。福善盡時。必當墮落。譬如燈燭。須假膏油。膏油既盡。燈焰即滅。如是憶已。而被業風。急速吹轉。往返世間輪迴。不止若諸智者。正定相應。無明業繩。不能牽動。譬如藕絲。牽妙高山。而不能動。今時彼天間。於天帝說是法。已即說伽他讚天帝曰：汝今說此法。息除一切障。我信天帝語。安住無怖畏。與彼諸群生。而作慈悲父。宣示涅槃城。令彼得利樂。法本無分別。天帝善能宣。今遇正教師。得至無上道。今時天帝又復自言。世間財物。勿生貪著。若人捨離智慧。出生若復愛著。

破壞善根七種。聖財漸漸隱沒。經百千生。沉淪惡道。又復世財而不堅久。水火盜賊。王等勢力。皆可侵奪。若彼法財。水火等災。終不能壞。汝諸天眾。雖有勢力。諸根具足。身帶光明。衰相現時。生其愁惱。墮下虛空。過百千輪。縛那入其惡趣。今時帝釋即說伽他曰：

如汝大使樂。富貴不可量。衰相若現前。決定沉惡趣。如現所作業。隨業果復生。業相善殊勝。異熟果亦然。業有上中下。善惡品類同。成彼有報時。勝劣亦如是。汝等審思。惟色力身最上。生滅未能逃。云何而不憶。譬如麥等種。而被大火燒。隨燒即破壞。云何芽得生。浮虛假偽身。四相遷流速。如燈而生焰。不住剎那中。心相亦復小。虛幻無真實。恒被漏隨增。云何得安樂。棄捨於妄境。勿自愛其身。決定脫輪迴。達至於彼岸。今時彼天有其飛鳥。而復說言。我等今者居鳥鉢羅林。於其林間有大浴池。多生紅蓮。長時芬馥。鳥身翅翼。諸色間雜。狀如七寶。眼有光明。言音妙。

好於彼林中長時戲樂觀天子耽著迷醉即說伽他曰

我恒耽喜樂 天人愛亦然 天雖與禽別 愛染而無二 不能守行法 云何得解脫 天等若如是 飛禽何所別 今復告汝等 勿著五慾樂 而修勝法行 當得大解脫 生老病死苦 永不害其身 天與禽類身 平等獲善利

尔時天帝又復白言若有智者離垢清淨世閒罪染普徧此天亦不能著柯以故為彼智者於生苦因緣而能解了又於彼天朋友知識愚愛眷屬無所戀著汝等諸天癡愚貪染不離輪迴與彼飛禽等無有異復有眾生耽著飲酒得罪甚多所以者何為彼有情心識迷亂破犯恒多酒力雖消業報不滅於五趣中輪迴不絕於一切罪中最為增上乃至於俱胝劫流浪不絕沉淪惡趣煩惱纏縛佛所宣說

尔時彼天帝釋園中有妙法堂種種珍寶殊妙莊嚴時諸天眾詣彼堂中彼時帝釋觀察天眾而說伽他曰

汝等諸天眾過去修微善獲生天界中若天報應盡定墮於輪迴業力難思議牽引於眾生三界五趣中處處而出生汝等勤精進審諦細思惟生滅須臾間云何不省覺怖畏邪險路而依眾律儀堅固七覺支勤行八聖道善住於五根增長於五力四念與正勤及彼四神足如是而不退必至涅槃城恒度寂滅樂

妙法聖念處經卷第五

妙法聖念處經卷第五

校勘記

- 一 底本，金藏廣勝寺本。
- 一 八四七頁中五行「三種三因緣」，
[石]作「三因緣三位」。
- 一 八四七頁下一一行第八字「於」，
[石]作「諸」。
- 一 八四七頁下一五行第六字「莫」，
[石]作「貪」。
- 一 八四八頁上一五行「於當當世」，
[資]、[磧]、[普]、[南]、[徑]、[清]作「當來世」。
- 一 八四八頁中末行第三字「苦」，
[磧]作「若」。
- 一 八四九頁上二二行第四字「心」，
[磧]、[普]、[南]作「集」。
- 一 八四九頁中六行「與諸」，[石]作「諸與」。
- 一 八四九頁中九行「耽欲」，[徑]作「貪欲」。
- 一 八四九頁中末行「靜相」，[石]作「淨相」。

- 一 八五〇頁中一〇行「福善」，**資**、**磧**、**普**、**南**、**徑**、**清**作「福業」。
- 一 八五〇頁下二二行「今者」，**南**作「今善」。
- 一 八五一頁上四行第一三字「得」，**南**作「我」。
- 一 八五一頁上一九行末字「宣」，**麗**作「言」。
- 一 八五一頁中一行首字「汝」，**磧**、**普**、**南**、**徑**、**清**作「我」。

妙法聖念處經卷第六

西晉高僧竺法護譯 後秦 鳩摩羅什 譯

於罪不怖畏彼人無智慧 後至命終時
苦惱恒燒然周徧天界中 墮落誰能見
彼恒貪煙樂於此莫能知 煙慾生虛誑
迷惑於有情牽引落三途 如繩而繫縛
生滅恒如是有情須自利 調柔身口意
煩惱勿令生 法境等須息 一切著煙者
增癡障無常 不覺欲火燒 遠離於親眷
朋友善知識 骨肉并眷屬 大苦死來時
波叱何能說 初至無常位 如山忽倒摧
須臾不可停 刹那而滅謝 若處一切智
無罪無輪迴 究竟出苦源 諸天恒愛樂
欲海深無底 何能有足期 增長愛貪心
如酥油灑火 種種莊嚴具 破壞出世因
流轉四趣中 人傍地獄鬼 生死恒無間
往復如陶輪 群品大愚癡 不了煩惱性
若彼諸有情 永離於貪愛 當獲最上因
解脫無繫絆 智者除煩惱 諸苦病不侵
降伏於貪瞋 長獲安樂道 生苦不能染
縲索不能縛 智慧漸圓明 照知一切事
若於圓寂理 而起無相心 離垢絕塵塵

究竟到彼岸 於彼苦樂境 洞然無所得
而大解脫 常住空寂舍 復起慈悲心
愍念有情故 示苦智真如 遠離於縲索
令意斷疑慮 永除於貪愛 解脫苦惱怖
獲得最上慧 悟彼集散空 設壽八萬劫
亦復墮無常 此可恒安住 天界永無失
見惡而生慢 於罪不思惟 愚迷無方便
恒求於快樂 喻如砂聚中 求油終不得
若作罪業行 恒常而逼迫 苦樹罪根深
一切惡生長 我說此真如 定為法非法
彼意耻作罪 後復無煩惱 利益廣無邊
獲至真如際

妙法聖念處經卷第六 第三張 末

有欲愛不足 無因人意足 發起不足心
如是無知死 一切衆生界 形類有多般
長遠時分中 不能修方便 永不受安樂
決定墮輪迴 恒處於地獄 生生亦如是
若實宣說帝釋境界 富貴殊勝異於
諸天於此輪迴 亦不能免 決定無常
乃普徧天上 未有微妙之處 可避無
常而皆墮落
是時天帝善解法相名憍尸迦 為彼
天父種種精進說多因行而諸天衆
猶不省悟 誰能樂修靜行 遠離罪垢
唯縱愚迷心 著放逸於斯 教誨而不
受持 久遠無邊 云何不覺被諸愚人
樂作惡 因於彼後身 而被罪惡種種
破壞 寧知惡業 隨眠纏縛 今時苾芻
而說頌曰
若行善利 以其卧具 飲食衣等
供給供養 尊卑之衆 不為自身
而求福利 或觀自身 誰作主宰
乃遇惡境 作罪怨家 固來欺陵
而起真實 離相忍辱 智者審觀
都無病痛 苦惱之難 唯有現在
不靜之物 作如是身 而復此身

妙法聖念處經卷第六 第三張 末

剎那不住 盛壯亦然 破壞何身
 衆生迷醉 於自財物 不作利益
 增長罪業 不受教命 亦不行施
 於一切處 心不受用 賊等窺壞
 云何護持 若心迴向 布施師等
 彼財殊妙 而復棄捨 如棄草木
 心不愛著 貧劣有情 恒行救度
 離垢無著 今世後世 獲七衆戒
 救度最上 戒護於人 當生天上
 智慧廣大 彼能截斷 一切煩惱
 病等枷鎖 過大險惡 輪迴之橋
 到彼堅牢 涅槃彼岸 心淨離垢
 得無生忍 喻如擔負 其物輕少
 遠出長途 而不疲乏 若人擔負
 惡業輕少 遐歷世間 而不沈沒
 又如飛禽 兩翼壯健 高往虛空
 速疾可到 若人持戒 守護堅牢
 欲往生天 亦復如是
 復有飛禽名現真如住彼白山而能
 觀察即說頌曰
 喻我形色 不住剎那 快樂亦然
 愚迷不覺 若一切類 善相多般
 輪迴生時 定隨破壞 彼福破壞

妙法蓮華經卷第六

第五段

終

一生亦然 死王得便 罪意何免
 恒行快樂 無財黑繩 摧壞有情
 無病強力 安樂遠離 死王近來
 近則心迷 群生命壞 罪破長時
 天人輪轉 不覺根迷 遠離安樂
 墮閻羅界 方知業果 快樂剎那
 而身衰朽 悅諸塵境 不覺貪著
 快樂受盡 老死王侵 諸根對境
 癡著不足 彼後無常 自生煩惱
 若無慧燈 照見塵境 受行境界
 執我分別 樂著虛妄 欲火恒生
 境力如風 吹欲火盛 智覺真如
 思惟成妄 一切愚迷 嬉戲不覺
 恒行境界 吹於欲火 天人行欲
 墮彼天界 彼具天德 實得天樂
 衰相現前 不壞何往 剎那不住
 念念生滅 暫住非久 彼命如是
 此境屬他 一心不覺 五德天樂
 壞苦速離 帝釋天王 抖擻煩惱
 三障垢靜 歸依三寶 三業廓然
 悟得最上 三佛菩提 雖生罪地
 罪垢不染 留心作善
 彼有焰魔 獄卒為彼衆生而說頌曰

妙法蓮華經卷第六

第五段

終

意懷貪欲 嫌棄善緣 不離輪迴
 得此苦果 不依天行 而作罪因
 彼後無常 反恨作惡 利刀割體
 猛火燒身 猶未為傷 五根得罪
 苦不可忍 眼觀美色 如實得樂
 寧知恒苦 聞聲耽味 其過亦然
 作罪冤家 是故捨離 彼三冤家
 纏縛罪人 破人安樂 貪癡和合
 遠離戒品 因墮地獄 若行戒律
 後得福善 若違戒律 後得煩惱
 飲酒殺命 離他婦女 邪見兩舌
 不守威儀 縱情放逸 破壞有情
 因沉惡道 貪著邪行 而復惡口
 今世後世 無彼安樂 遠離惡人
 親近善友 滅此罪根 不信此業
 無得業果 無眾安樂 惡果根本
 煩惱後燒 若作妄語 本非法師
 我解深法 彼後無常 得魔業果
 轉此人身 而生惡趣 是故如來
 說此無明 一切貪欲 何得快樂
 知足無貪 身離煩惱 欲生快樂
 是名快樂 解脫相應 得最上樂
 若貪快樂 如毒和水 解脫快樂

妙法蓮華經卷第六

第五段

終

如乳和水 欲火燒害 愚盲不覺
又復貪愛 度量財利 酤賣酒肉
得財無數 心猶未足 無常殺鬼
速來牽引 若航欲樂 樂住境界
得不悅樂 如來說此 夢覺法喻
如乳闍城 如空無實 如水上沫
如芭蕉堅 如彼火毒 欲境亦然
若味因果 知欲過罪 不迷真如
成就智慧 獲靜思惟 去其貪愛
苦惱不生 壞欲亦然 欲為罪主
如世毒藥 彼意不足 墮落天界
復墮地獄 欲賺愚迷 喻彼懸河
亦如雷閃 世間毒力 莫勝女色
思想欲增 如火熾盛 是故智者
離欲寂靜 無前無後 亦無中間
如如而行 增長亦尔 彼得欲苦
等觸大焰 知如是過 智者遠離
速離欲故 定得安樂 無數百千
那由他天 以欲行故 墮火毒獄
器械治罰 其毒如火 遠離使樂
不行欲因 如上海獄 不見不聞
若貪欲人 斷其欲貪 亦無苦惱
是故無垢 得意清淨 於一切處

妙法聖念處經卷第六 第七張 法

滅欲火焰 入彼種種 最上善業
彼行無染

尔時帝釋觀察飛禽住莊嚴樹色喻
檀金彼法因果正見善業而說頌曰
正見善業 如彼大樹 鬱茂金色
種種莊嚴 智者所說 如善果報
處處出生 不善若善 得彼人身
復行善業 得生天上 不善亦然
下沉地獄 慾迷善意 而復不得
最上良藥 若知果報 意不愛慾
衆生境界 迷醉味著 若恒行貪
惡定同生 女生煩惱 如世間火
若此火生 煩惱如是 女人煩惱
生衆生心 破壞世間 一切法滅
為地獄因 大仙所說 女人姦媚
口甜心毒 情愛不恒 愛應須臾
棄背亦尔 彼性浮囂 可喻掣電
誑詭有情 詐行恩愛 天人龍鬼
羅刹眷屬 境界亦尔 女人鄙惡
譬彼黑毒 種姓不擇 勢力不顧
愛恚不恒 性如風火 唯募財物
殊無終始 如有嶮難 嫌棄遠離
如是富人 彼即愛樂 若住貧賤

妙法聖念處經卷第六 第八張 法

急急離別 譬如遊蜂 花卉芬芳
競來採食 若樹乾朽 一切遠離
無財亦然 女人遠離 女人黑暗
心縱顛狂 破壞勝因 罔知良善
如女人縛 天縛亦尔 若值女縛
定墮地獄 若貪女色 貪中第一
若有衆生 雖曉慾業 而猶耽著
是故無知 迷人不覺 又復女人
詐吐心誠 惑他信已 身雖同處
心則差殊 損壞有情 毒如蛇蝎
方便多求 一切養育 女人行德
而不能為 如是自性 殊無測度
智者不著 心恒決定

切利天宮有善法堂尔時諸天會善
法堂有如是散亂者飛禽為彼而說
頌曰
譬如飛禽 隨其自性 樂厭不同
而有二種 一見蓮華 而復樂著
若見林野 而自厭離 一見林野
意欲樂住 如見蓮華 却思遠離
衆生亦尔 林如靜善 華喻欲貪
智者樂林 而深適意 天人顛倒
反慕蓮華 如出暖日 能去大寒

妙法聖念處經卷第六 第九張 法

解脫之樂亦復如是 貪中生苦
 樂謝何安 智者不迷 而求解脫
 於一切處 為最上樂 住牟尼林
 能善觀察 任意無貪 天人最上
 住此欲貪 而不久遠 若行無貪
 樂中最上 居林寂靜 行中第一
 一切苦斷 受甜惡行 誑賺有情
 適意林巒 宜善觀察 心善觀察
 恒處安樂 心行無貪 樂處林野
 彼人樂林 心恒純善 離欲無貪
 得寂靜樂 若人煩惱 怖見林間
 貪愛倍增 而自燒煮 棄背貪愛
 無垢清淨 心定生生 常獲安樂
 如具富貴 福盡成空 威處少年
 老侵頓易 一切思愛 定有別離
 一切有為 和合暫尔 此世間法
 正覺正說 若覺愚迷 捨愛知足
 入寂靜林 獲最上樂 銜已後利
 思愛多方 遠離善林 永失利樂
 林間默觀 寂靜相應 適意無貪
 善心成滿 是故聚落 散亂恒生
 若處山林 離諸貪愛 汝意速疾
 厭離愚迷 最上靜林 相應住處

妙法蓮華經卷第六
 華嚴
 法

心行若靜 永離煩惱 行若相應
 善根增盛 假使有人 得千帝釋
 報壽若終 亦歸生滅 恒行貪欲
 一切不見 被欲降伏 而生眾苦
 欲愛之樂 須臾暫住 不久即滅
 心如怨家 能離彼樂 彼欲無得
 煩惱苦果 皆從欲生 解脫生樂
 彼樂真實 於善逝行 縱任相應
 離欲無貪 獲樂無盡 五欲之樂
 先甜後苦 樂相壞時 而沉地獄
 無貪之善 初後中間 離垢清淨
 受樂無窮 是真善母 愚迷欲樂
 云何離彼 過失恒生 中後深苦
 罪行云何 不見快樂 喻如世間
 有其毒花 其色鮮艷 其體有毒
 人若觸花 毒害於身 罪行欲樂
 其毒亦然 又如當風 執彼火炬
 亦如飛蛾 投其燈焰 欲樂之火
 燒害亦然 是故欲毒 恒須遠離
 天著欲故 積惡虛生 人募愛貪
 愚盈罪行 是故欲火 焚燒善根
 賺失天人 沉斯惡趣 若未命謝
 速迴心意 於一切善 修令增長

妙法蓮華經卷第六
 華嚴
 法

貪等惑亂 三過生塵 三毒作一
 罪網猶大 若起三惑 相續不盡
 歌舞唱妓 耳目順情 天意如石
 而被牽動 一切欲境 蓋覆靜心
 沉溺愛河 無時超度 天何愚迷
 欲賺不覺 譬如毒樹 開其毒花
 蜂蟻採食 毒殞其命 貪欲之毒
 損害亦尔 而墮三途 如火燒木
 天人不覺 生此罪地 受苦終盡
 方離泥黎 天人愚迷 不思作善
 罪惡境界 彼無一信 智者審觀
 真如幻夢 愚人非夢 為地獄因
 是故離欲 得解脫善 棄背惡行
 利益善因 彼刹若行 永離諸惡
 天無黑行 彼有智者 正見決定
 不樂散亂 獲種種福
 尔時世尊 敎受天子 行不散亂 行而
 說頌曰
 天人宮殿 散亂之根 迷醉樂著
 而墮輪迴 若離散亂 輪迴亦脫
 彼散亂根 即是無明 自性黑暗
 如人無眼 我觀彼過 迷火不別
 愚癡深廣 散亂亦然 眾生愚迷

妙法蓮華經卷第六
 華嚴
 法

積聚財寶 而自育養 復更散亂
 墜墮惡趣 天亦愚癡 愛著女色
 本望離苦 悅意快樂 寧知命殞
 得大苦惱 集欲之樂 不久即散
 一切眾生 業壽有限 少壯剎那
 即當衰老 善惡業縛 誰得自在
 譬言如樂主 撚弄木人 須假線絲
 方成作用 有情亦亦 須假感業
 方觀輪迴 若離愛貪 則無作用
 非久業行 智者不信 遠離一切
 散亂方便 若離散亂 不生三界
 譬如有人 墜墮深崖 其中猶有
 不失命者 若人散亂 墮三界崖
 其中未有 得出離者 一切感業
 散亂最上 於晝夜中 恒不安樂
 若世間人 織毫散亂 破壞有情
 出世之意 是故遠離
 彼世尊座如實說已 天主帝釋發尊
 重心敷其座具頭面禮足起立合掌
 見伽他書心生怖畏頌曰
 若不散亂 如彼甘露 若行散亂
 而墮無常 不散亂人 天中最上
 散亂之行 輪迴之根 清淨之行

妙法聖念處經卷第六 第七頌

安樂之本 是故正定 於一切處
 獲最上樂 若於欲樂 如怖極苦
 散亂大毒 同壞眾善 迷毒散亂
 人行惡作 不從散亂 能得安樂
 若彼智者 平等宣說 德與無德
 一切執我 為苦樂根 如我世尊
 伽他書典 離欲清淨 獲益安樂

妙法聖念處經卷第六

乙巳歲高麗國大藏都監奉

勅雕造

妙法聖念處經卷第六

第七頌

卷

妙法聖念處經卷第六

校勘記

- 一 底本，麗藏本。
- 一 八五三頁上一六行「流轉」，[資、磧、普、南、徑、清]作「法轉」。
- 一 八五三頁中四行「令意」，[徑]作「念意」。
- 一 八五三頁下末行「不靜」，[磧、普、南、徑、清]作「不淨」。
- 一 八五四頁上一一行第二字「等」，[石]作「得」。
- 一 八五四頁上一二行「心淨」，諸本作「心靜」。
- 一 八五四頁中五行「輪轉」，[徑]作「輪迴」。
- 一 八五四頁中八行「決樂」，[資、磧、普、南、徑、清]作「快樂」。
- 一 八五五頁上二行「又復」，[石]作「久復」。
- 一 八五五頁中四行第三字「彼」，[石]無。

- 一 八五五頁中二一行第一〇字「募」，
[資]、[積]、[普]、[南]、[徑]、[清]作「慕」。本頁
下末行第二字、次頁中二〇行第
一〇字同。
- 一 八五五頁下四行「勝因」，[石]作「聖
因」。
- 一 八五五頁下七行「衆生」，[徑]作「中
生」。
- 一 八五五頁下一二行「測度」，[資]、[積]、
[普]、[南]作「惻度」。
- 一 八五五頁下一三行「心恒」，[石]作
「心快」。
- 一 八五五頁下二〇行「却思」，[石]作
「即思」。
- 一 八五六頁上二二行第八字「愛」，
[石]作「受」。

妙法聖念處經卷第七

西晉涼州刺史張芝所撰草書之聖也

今時有飛禽名未曾有見彼行不散亂而說頌曰

貪瞋癡意	恒為罪友	為地獄種
貪瞋癡心	恒行罪人	落三途崖
彼後方覺	貪瞋癡毒	無得不怖
智者制伏	不令散亂	若縱貪癡
飲酒妄語	殺生偷盜	無信因果
意瞋惡業	而不防護	天上不生
而沉惡趣	恒行欲愛	愛具大力
役使有情	慵懶懈怠	恒無彼善
又如雲翳	障智慧眼	於其戒律
多諸缺犯	設得人身	而獲下劣
若意住罪	黑暗無邊	若意住覺
如晝大明	如是眾法	佛所宣說
天生散亂	如酒迷醉	彼散亂故
如行地獄	輪轉人間	皆得滅壞
如是決定	生實無常	散亂障重
墮境界海	成枷鎖因	天多嬉戲
彼生若盡	永絕快樂	天不思惟
心生散亂	改轉善根	深著樂境

心猶不足 天人不知 為苦惱本
 無莫護多 無須更項 無刹那間
 不被愛降 欲境間斷 百般不悟
 天恒受用 耽著放逸 被欲降伏
 如地獄火 焚燒有情 而不揀擇
 欲火亦然 焚燒天眾 亦不揀擇
 又如餓鬼 口出火炸 燒彼飲食
 傍生之類 飢火亦然 天人自作
 如是欲火 普徧世間 焚燒一切
 有情不覺

彼有飛禽名具足德覺彼散亂善不能行後墮彼天而說頌曰
 善業斷盡 此壽刹那 眾生調伏
 人得最上 一切少年 須臾命盡
 一切富貴 須臾破壞 天人不恒
 富貴不恒 刹那不住 勿作亂意
 是故早行 勤修利益 護律儀法
 寂靜理趣 塵過不生 天何不見
 意若散亂 行法不恒 此去不迴
 快樂亦然 守護戒根 天人快樂
 彼諸眾生 若無此戒 後必煩惱
 是故戒行 如是恒行 樂中景上
 彼戒清淨 而得大果 愚人無戒

妙法聖念處經卷第七

第三頌

法

不生天上 若天行欲 散亂迷毒
 於五欲境 受其快樂 心不思惟
 一切不久 彼命破壞 無數百千
 那由他天 迷欲散亂 被五欲火
 置害焚燒 一切散亂 人所樂著
 彼後無常 得果方覺 心馳境界
 動極大苦 得苦見迷 心著愛境
 苦惱不知 苦惱續生 於後悔恨
 煩惱疑惑 從境界生 我心無知
 行輪迴行 那覺輪迴 隨逐人心
 互相愚迷 展轉三界 智者證真
 見輪迴住 無常苦空 彼苦非有
 若耽女色 恒行欲染 彼後不見
 諸天境界 法非法行 惡中最上
 一切世間 無別救者 唯如正法
 是故依法 法若遠離 人樂非法
 非法既作 苦火熾然 永離天界
 善業滅盡 不覺墜墮 思彼快樂
 無常無有 業繩繫縛 誰有安樂
 貪愛轉增 牽入惡趣 永離天上
 今時帝釋見諸天眾受百般福德而
 大驚怖即說頌曰
 作善快樂 天受善報 天入上因

妙法聖念處經卷第七

第三頌

法

彼作前善	如日行空	明照世間
無二重輪	其智慧光	明照邪暗
亦復如是	而無二種	欲往天宮
行悲愍行	悲與群生	為出生母
依憑斯善	人生天上	又復悲心
饒益利樂	一切有情	得天愛樂
悲者恒善	一切衆生	及諸賢聖
普皆歸命	又復行悲	如清涼月
去彼煩惱	炎苦之熱	是故悲心
為使樂本	一切欲心	天人業主
於其色聲	香味觸法	攀緣不足
必芻觀察	而說頌言	
譬如劫壞	日大盛時	大海江河
普皆乾竭	眼識根等	觀攀色境
經彼俱胝	百千萬劫	貪癡欲海
而不能竭	人之貪心	勝龍不足
散亂之因	生一切惡	勿行散亂
散亂過人	障真如理	若行散亂
彼恒無善	人若離善	牽墜三途
離一切樂	不生天界	命恒生滅
為煩亂根	意通知此	苦中最上
若前根境	不了輪迴	而執決定
如空中花	如乳闍城	如水上泡

妙法蓮華經卷第七

第五段

如水聚沫	迷彼聚沫	為卧具等
迷彼幻化	為自集動	天龍藥叉
及阿修羅	迦魯拏等	虛幻亦然
誰救無常	若但作業	而不早怖
極惡死王	速來逼害	是故作善
後無煩惱	我覺汝等	勿行放逸
彼復生愛	而被境界	境縛有情
如牢枷鎖	為地獄因	永離解脫
是故不實	汝須遠離	此真實法
世尊所說	諦聽奉行	得益無盡
尔時帝釋忽然之間	觀佛影像與諸	
天衆發尊重心	頭面作禮而說頌曰	
彼佛世尊	正徧知者	現救度像
善開解脫	若人歸禮	解脫輪迴
心獲勝善	此善調適	無垢清淨
佛說此法	成涅槃道	言此行人
得無畏力	受寂滅樂	任眞空地
過輪迴海	度三界難	開智慧眼
放最勝光	普見世間	非如土木
凡愚之類	無其光明	遊行妄境
若人貪垢	心不清淨	口過等毒
復以智水	洗蕩離染	一切外道
執我無知	於斯諦理	而不能見

妙法蓮華經卷第七

第五段

彼無垢言	為汝解說	佛在因地
不行散亂	救度汝等	今到彼岸
復度他人	利樂一切	於其世間
唯一佛任	無利為利	利人最上
如是造惡	墮大地獄	如是修善
當生天上		
彼時帝釋觀察天衆	即說頌曰	
譬如飛禽	順風吹急	輪轉人天
往復亦尔	皆因業感	如其苦樂
聚集散壞	隨業勝劣	其義亦然
是故造作	皆成因果	牟尼宣說
眞如無邊	平等所依	業習種子
一切心作	而難調伏	唯佛如來
而為開覺	若業種種	從一至十
從十至百	從百至千	至那由他
無數有情	若干種類	墮大業網
莊嚴世間	譬如飛鳥	連繩繫絆
欲往虛空	終不能去	有情亦尔
但造諸業	被業繫縛	欲出輪迴
而不得去		
彼時帝釋見天散亂	互相嬉戲樂著	
快樂觀彼天衆	即說頌曰	
五樂歌舞	普徧天中	若不思惟

妙法蓮華經卷第七

第六段

決定墮落 汝貪女人 自性堅著
無暫捨離 他意不恒 隨情進退
富者戀愛 常獲財物 詐親適悅
如有固悖 輕棄遠離 貪癡之人
追逐欲樂 譬如渴鹿 競奔陽炎
而求於水 耽欲亦尔 虛妄不實
彼諸女人 無思無義 無疎無親
尊卑不分 種姓不顧 譬如遊蜂
其花芳盛 而即採食 若見萎花
而即捨去 又復女人 矯誑惑亂
如彼室內 隱藏毒藥 違害亦尔
有智之人 心正決定 於斯欲妄
而皆不著 迷人見喜 深自樂著
如蟻聚羶 如蜂護窠 天龍神鬼
諸惡夜叉 毗舍遮等 魔護囉誑
及羅刹婆 亦被迷惑 欲性不實
生妄境界 喻如幻法 誑賺有情
得無常時 衰壞不覺 彼天妙地
一切林木 花草莊嚴 為生死繩
牽繫汝等 如繩繫犢 而不自在
快樂境界 男女眷屬 於無常時
誰能救護 若人得住 多聞智慧
善業之舍 適心最上 我今當去

妙法聖念處經卷第七

第二版

南閻浮提 泉流河海 園苑亭臺
悉皆具足 如是種種 有如法者
不如法者 論義慧學 法與非法
我今悉知 虛妄恣心 迷賺有情
彼有慈芻 復說頌曰 齧齧眾生
心恣下劣 生五根毒 色等五境
如五頭蛇 虛懷悔恨 彼岸寂靜
為大愛河 無到彼岸 迷墮地獄
離諸邪妄 邪見無利 墮惡邪見
彼邪見人 無因計因 行輪迴難
障覆靜心 課解因果 善惡亦然
得苦惱身 業果生滅 永離生滅
若見真空 即到彼岸 欲覆迷人
汝等應知 愚癡迷欲 戒行律儀
若住正見 微妙清淨 若著邪見
出世及天 永不難得 非自愚迷
修邪難業 我願長壽 墮大輪迴
而復迷他 所行黑暗 如佛所說
成就苦因 逼迫自性 根塵境空
利樂之要 反照正性 出生死難
我山自摧 煩惱清淨 汝等世間
住沮繫城 是真解脫 邪毒入心
一切有情 深著欲樂

妙法聖念處經卷第七

第三版

涅槃彼岸 終不能到 假使百劫
輪沒世間 如被枷鎖 不可得脫
智者所說 出世法財 微妙經典
信受奉行 快得善利 邪見無因
橫執下劣 虛妄典教 迷認有情
普墮輪迴 眾生云何 虛誑真法
無因妄見 不愍舍生 自墮墮他
俱入惡趣
彼有飛禽名曰蜜行於其樹林食蜜
嬉戲而說頌曰
眾生飲酒癡迷醉 愛味誰知癡索牽
墜墮無常惡趣中 是故勿飲無明酒
輪迴因觸生癡見 非法皆從貪愛生
一切塵勞業海深 是名如來大智說
汝知飲酒壞名色 善惡無分譬言盲
乃至身倒不覺知 可喻木石人取笑
飲酒無恒多過失 三十六失作乖違
智者染著為大暗 是故遠離於飲酒
迦捨花輕等彼人 浮腫不定無忠信
增長貪瞋生死續 要摧此力勤救護
今時帝釋天主復說頌曰
無瞋破瞋 忍辱破恚 法破非法
光破黑暗 實破妄語 定破兩舌

妙法聖念處經卷第七

第四版

善破惡口 親破非親 慈破殺生
 施破慳吝 念破非念 明破無明
 晝破於夜 白破黑月 邪欲思惟
 真覺智破 惡趣難業 八聖道破
 四無尋智 破諸訥鈍 智破無智
 安住寂靜 破彼攀緣 風破於山
 火破一切 海吞江河 日破星宿
 富破貧窮 火破於寒 水破於渴
 食破於飢 足破不足 恒讚於悲
 不讚無悲 妄語惡業 破墜有情
 善說真如 破有為慧 如佛世尊
 能破外道 天諸勢力 破阿修羅
 帝釋告言 我降汝等 一切天眾
 所以者何 住正法者 威勢若斯
 若復輪迴 奴僕之類 如處地眠
 一切居下 若復一心 奉行正法
 如登床座 一切居上 行迷智慧
 好行非法 天自業果 不墮何去
 被業風吹 輪轉地獄 餓鬼傍生
 誰同代受 如是一切 天男天女
 及諸愚迷 一切眾生 自作惡業
 受大破壞

譬如大風 吹空中水 聚散不恒
 輪迴有情 隨業聚散 不定亦然
 又如花敷 開結應時 茂盛凋殘
 隨時不住 時亦如是 過去未來
 亦復不住 人作福善 嬉戲得時
 福樂若盡 往而不復 如樹生葉
 繁茂甚多 若值霜電 墮而不復
 天人亦尔 受天快樂 若值輪迴
 無復快樂 譬如天雨 不住虚空
 快樂亦然 不住幻體 譬如大風
 吹壞雲雷 快樂亦尔 吹壞生命
 譬如朽木 墮大焰中 永不復故
 迷愛亦然 經百千生 墜墮泥黎
 不復人天 虛妄迷愛 廣徧一切
 魔滅善行 遠離人天 守護此戒
 七佛所說 戒定第一 思念生生
 得人業地 思念多劫 父母業地
 得生天上

煩惱伏令盡 內生適悅心 清淨離貪瞋
 而得生天上 斷除於憎愛 摩訶苦不生
 種種復行檀 而得生天上 恒運慈悲心
 救護於含識 如護自身命 而得生天上
 他行不善心 害物毒如火 所求皆施與
 而得生天上 若覩他妻妾 不生邪染心
 如每敬愛觀 而得生天上 若人觀妄語
 如火生舌頭 禁戒若真實 而得生天上
 兩舌而不作 親友使和合 愛語絕乖離
 而得生天上 惡口言無度 傷人利若刀
 善語離前非 而得生天上 綺語而增過
 加言飾說多 如理稱實談 而得生天上
 此戒宜持護 七佛同所宣 無畏戒法圓
 而得生天上 一切諸眾生 若生增上慢
 如被枷鎖縛 不得於解脫
 今時有一苾芻而說頌曰
 若此女人索 縛人最堅固 輪迴受報時
 惡果居第一 若此女人索 非縛項頭索
 纏縛有情心 生苦為第一 女索縛人切
 人間無有比 地獄鬼畜生 為彼女縛去
 大色索縛身 可見索形量 女索心非色
 縛大無形量 女索雖悅意 迷生不解脫
 縛彼一切人 不出輪迴難 六塵俱縛人

世尊告諸比丘 第七 第十 卷

世尊告諸比丘 第十一 卷

世尊告諸比丘 第七 第十 卷

女索力最大 降伏於衆生 此縛居最上
若此女人縛 愚迷心愛戀 為妻妾眷屬
堅牢不可解

彼帝釋天主如是一千天子一切皆
見心生歡喜歌舞作唱稱讚天王而
說頌曰

帝釋忉利王 娑婆世父母 行天梵善行
不著於欲樂 正法救世間 非法令除斷
以法適其心 此樂未曾有 最上最勝智
慈心具善言 快樂法非常 清淨而無染
所有世間德 及彼出世德 天王自在行
一切見無異 救度恐怖者 離苦獲安樂
天人阿修羅 世間常持護 種種寶莊嚴
此處忉利天 彼諸林木樹 宮殿衆寶色
密覆如繡蓋 地布瑠璃渠 天人業因盡
蓮華恒自敷 莊嚴適其意 未有不空者
劫天破壞時 妙高一切無 繞生又復無
何況諸天衆 如泡如水沫 彼恒放光明
無明迷不覺 帝釋天中尊 照耀於我等
一切皆依住 余時帝釋而說頌曰
妙高衆山王 光明眞金色 瑩淨體分明
喻彼水中月 若此金光明 喻彼持戒者

妙法聖念處經卷第七

第五

七

無垢戒光明 十六分虧一 自業得生天
莊嚴而具足 業有上中下 感果亦復然
隨自禁戒心 遠離於散亂 住此正法位
恒獲於快樂 若生無垢戒 身有大光明
如彼千日輪 共聚光無異 佛說七種戒
歡喜若受持 彼為最上人 當獲第一果
種種作善業 彼定有後身 無作無彼行
無業無破壞 愚迷不信因 無因亦無果
如覓水中酥 不受於安樂 迷罪心行暗
非善非安樂 煩惱互相增 見彼未曾有

妙法聖念處經卷第七

乙巳歲高麗國大藏都監奉

勅雕造

妙法聖念處經卷第七

第五

七

妙法聖念處經卷第七

校勘記

- 一 底本，麗藏本。
- 一 八五九頁中末行首字「彼」，資、磧、
善、南、徑、清作「後」。
- 一 八五九頁下五行首字「置」，石作
「直」。
- 一 八五九頁下一三行「欲染」，石作
「染欲」。
- 一 八五九頁下一四行第五字「法」，
資、磧、善、徑作「汝」。
- 一 八六〇頁下二一行第六字「天」，
磧、善、南作「入」。
- 一 八六一頁中一六行「不難」，石作
「不能」。
- 一 八六二頁上九行「食破」，磧、善、
南、徑、清作「食飲」。
- 一 八六二頁中一行第八字「水」，磧、
南、徑、清作「雲」。
- 一 八六二頁中七行第九字「墮」，資、
磧、善、南、徑、清作「隨」。

- 一 八六二頁中九行「天雨」，**石**作「大雨」。
- 一 八六二頁中一行第八字「尔」下，**石**有「施主」二字。
- 一 八六二頁中一二行「大焰」，**資**、**磧**、**普**、**南**、**徑**、**清**作「火焰」。
- 一 八六二頁中二一行「針投芥」，**石**作「針頭芥」。
- 一 八六二頁下一行「伏令」，**石**作「復令」。
- 一 八六二頁下二行「憎愛」，**資**、**磧**、**普**作「增愛」。
- 一 八六二頁下一〇行「天上」，**徑**作「天人」。
- 一 八六三頁上三行「堅牢」，**石**作「堅固」。

妙法聖念處經卷第八

漆

聖者聖者如國無疆界者無佛無法無僧無日無月無年無時

又復宣說輪迴頌曰

一切天人	有大散亂	初如親友
後作怨家	如火焚燒	如刀割切
人間天上	得失平等	心意狂迷
如同怨家	天人不知	智者遠離
散亂毒樹	說有三枝	為老病死
恒復相續	智者離妻	純善相應
老等三枝	而不為害	如過速離
散亂不生	惡怖解脫	得最上樂
若散亂樂	不久有怖	若解脫樂
樂定無盡	百千萬億	般都摩人
樂住名利	妄亂所賺	妄亂之上
有四種過	若離妄亂	破世間怨
彼妄亂行	多疑多怖	多難多苦
展轉輪迴	無有窮盡	四過離一
獲樂無邊	汝等天人	一心散亂
障覆一切	無漏善法	云何而得
寂靜安樂	若樂自利	修善思惟
煩惱苦等	於後不生	若諸天眾
所著欲樂	虛妄不實	一切不久

從幻化生	彼不知見	幻化自性
而不決定	遠離安樂	恒生眾苦
實言告汝	若人恒善	世所敬愛
賢聖園遶	後生天上	受天妙樂
若復行施	得一切人	心生敬喜
後得富貴	施果如是	若行忍辱
後生天上	無所怖畏	世人愛重
名稱遠聞	面目端嚴	具足朋友
受天妙樂	彼等有情	由如一切
世間父母	能破罪暗	譬如日光
任意最上	為慈悲寶	出生善根
通達諸法	雖復在家	若住正見
彼智解脫	輪迴枷鎖	罪友不生
人獲安樂	聞未聞法	聞之不還
超諸惡趣	得生天上	心善無垢
諸過不生	離染清淨	善知報應
解微妙義	絕諸過罪	譬如虛空
不住淤泥	得寂靜果	深信三寶
獲無所畏	與諸天眾	尊敬如來
信受佛教	蒙法救護	生我有果
生身有愛	淪溺無邊	此苦難窮
十六分苦	不及此一	少味多怖
恒賺有情	喻乳闍城	智者寧信

妙法聖念處經卷第八 第三十 漆

說殺眾生	至命終時	樂不隨行
都無所得	種種眾生	有種種心
種種業行	輪迴枷鎖	一步隨去
生復有死	愚癡迷惑	真實自性
而不覺悟	無常大怖	隨彼眾生
來而復去	散亂不知	境界天迷
如逢蛇螫	墜墮天人	此苦無等
父母妻子	男女眷屬	親友知識
不可代受	味著境界	樂欲迷深
不覺死王	大苦速至	云何方便
今離苦惱	若無愛欲	苦不能害
亦復不生	地獄餓鬼	傍生之類
亦時帝釋天主復說頌曰		
人行邪道	欲見正真	如手探水
而取其火	若復無因	何所有果
散亂無德	利益何生	破壞天人
此意若生	迷欲適悅	後得無常
心大熱惱	境界不迷	欲火不發
名稱不貪	安樂最上	若復一心
貪愛世樂	十六分罪	不及此一
若發大信	解脫輪迴	愛盡境亡
見無為樂	禪樂相應	無瞋無喜
彼善若生	無復輪迴	究竟彼岸

妙法聖念處經卷第八 第三十一 漆

若有欲心而未快樂 被業繩牽
 墜墮地獄 得一切苦 誰人解救
 往而復來 從業因生 無前中後
 非今後世 作過無明 墮人惡趣
 是知自愚 行散亂毒 浮生頃刻
 迷愚不覺 後無常位 乃可知苦
 若生有苦 怖彼無常 作意妙法
 彼救為實 真成安樂 如斯言說
 實為利益 令心行善 速得安樂
 樂中最上 決定無失 天若迷惑
 不依彼法 而作亂意 生墮地獄
 無有出期
 彼有飛禽名種種變覺悟彼天而說
 頌曰
 種種業生 隨彼天人 知不依法
 彼後熱惱 世間所有 種種善果
 園林花鬘 階道樓閣 適悅身心
 如作善業 得見彼果 天人業因
 有上中下 天非作彼 無彼彼果
 癡降天人 迷種種行 彼意若迷
 不見大怖 失自利行 種種變樂
 求種種果 迷心作業 天無戒行
 如夜無燈 而覓光明 因與果等

妙法蓮華經卷第八
 第三
 法

真實可修 真如智果 得有樂分
 離命無果 離燈無光 離戒無天
 若離智慧 而無解脫 若離解脫
 而無安樂 百般求救 方脫愛身
 智者離我 無此業樂 一切有罪
 而復不生 得彼利益 一切聖人
 無垢所說 百千劫人 樂欲境界
 就著不足 一心不捨 漸漸增長
 增長彼毒 須臾墜墮 智知德過
 此法師相 德過無知 此迷行相
 德處生德 過處亦然 知真過德
 恒獲安樂 德過難知 離彼智故
 何智最上 天行境界 彼意無智
 百願無能 得彼安樂 如作大業
 最上成果 得作人天 微妙適悅
 最為第一 根門顛倒 邪取境界
 若降此心 得天快樂 福樂若惱
 自作自受 作罪決定 如住怨家
 作善亦然 如親善友 若意速辦
 清淨福力 當得人天 如流赴海
 恒行惡境 惡行相應 決定無益
 彼岸智種 若意愛樂 得苦非法
 非法快樂 即成魔苦 此苦樂相

妙法蓮華經卷第八
 第三
 法

二俱平等 若人有智 厭苦忻安
 滅忍妙法 而可奉行 苦之與樂
 無因不見 種種苦樂 各別因生
 眾生自行 多劫多生 一切業果
 種種不失 若樂行法 守護正法
 得生天上 受妙快樂 迷法之人
 遠離正法 無得利益 墮輪迴獄
 法眼若開 癡不降心 見此快樂
 如雨下地 虛妄不實 作意佛刹
 心植法種 癡盲戒法 樂行非法
 行非法道 心賺輪迴 人得罪久
 若此心行 自性輕浮 種種顛倒
 剝那不住 幻化非實 如乳闍城
 纏縛智識 速宜省悟 天人散亂
 愛貪境界 被境誤賺 命墜不知
 快樂虛妄 一切不定 諸天作樂
 不久即滅 迷轉天眾 生生亦然
 生法虛假 彼計真實 生法不定
 彼計決定 行彼怖法 纏縛壽命
 墜墮天人 如唾落地 女心顛倒
 虛妄誑賺 若復捨離 得第一樂
 女人顛狂 嚴飾不恒 惑詐巧言
 移性不定 譬如遊蜂 逢花即採

妙法蓮華經卷第八
 第三
 法

無花即捨 女人亦介 有財即慕
 無財即捨 女心妒惡 等彼黑毒
 又復女人 難為共住 如風大起
 如大大熾 如空大徧 誰能收把
 女人易性 機便百般 亦莫收把
 若一女人 為惡業因 破解脫行
 成病死難 若多女人 生其煩惱
 為彼世間 種種留難 幻少女人
 愚迷增長 自性顛狂 無明熾盛
 如日放光 又復女人 無實愛戀
 如彼燈焰 彼實為怨 如蠅叩瘡
 愛彼有財 非愛無財 若有財物
 女人樂住 若無財物 云何可住
 無與財利 而不親近 性行差別
 心能喻大 無降女者 如人隨順
 承事如奴 亦復棄背 女多虛誑
 如花蓋地 女人肉心 如灰覆火
 色蓋亦介 適悅不善 身如毒樹
 生彼毒花 勿須親近 一向欲境
 愛著女人 今世後世 人無快樂
 無明迷醉 顛狂懈怠 愛味行罪
 不見人賢 智者知法 深信因果
 發精進心 猛利修行 遠離女色

妙法聖念處經卷八
 第七說

人獲勝善 人行女地 如履黑網
 智者不著 得盡魔界 一切禁戒
 女戒第一 何不離女 智者遠離
 得寂靜樂 彼女人縛 猛火器仗
 不能燒截 衆生強力 不可調伏
 我離彼故 一心天上 捨彼快樂
 生夜摩天 得無盡樂 快樂中大
 此等眼耳 鼻舌身意 於彼色聲
 香味觸法 六根不住 此諸天衆
 恒行渴欲 而無有足 如火自性
 能燒草木 何時有足 彼六根火
 猶豫不決 燒此有情 都無知覺
 此散亂地 不行道法 離彼散亂
 所愛境界 人隨自業 得住真實
 女人生愛 其心難御 隨自業因
 生有別離 如是觀察 女人顛倒
 生離別處 若覓快樂 心住狂惑
 行欲女人 如親惡友 意在三非
 身得四苦 是故恒離 欲毒之大
 快樂苦惱 隨自業牽 若於天上
 著五欲樂 天人宮色 不久墮墮
 佛見真空 得解脫道 說彼輪迴
 一切由業 女人為愛 得過最上

妙法聖念處經卷八
 第八說

無決定心 如日無暗 如火無冷
 女人薄信 無愛亦然 如地如風
 動靜不等 女人恩害 不等亦然
 人雖一心 多行恩惡 彼意非恒
 時頻遠離 喻如鸛鵲 立望空池
 又如大山 未見能行 亦如大河
 未見逆流 女人亦然 未見實愛
 生為過網 障導人法 譬如日光
 不離日體 如彼諂愛 不離女人
 雖復美言 給賜財物 而彼女心
 難降如火 意悅平和 艱難捨離
 一念生過 尋便忘息 女人鄙惡
 難降如火 宜速捨離 遮迹山林
 求寂妙樂 天人發意 迷欲快樂
 不悟惡怖 必損命壽 生在彼天
 決定無常 如夜日沒 是故三界
 大夜無常 可等日沒 若求出要
 彼作利益 行三聚戒 彼業報應
 得妙快樂 天復散亂 無一念心
 別作善業 彼樂必盡 愛欲不善
 當獲大苦 餘苦十六 不及一分
 善哉善業 欲心無足 如採真人
 會莫亦介 欲纏覆心 如眠長夜

妙法聖念處經卷八
 第九說

迷愛相續 無常不覺 後見苦相
 方知彼果 又此欲惡 先如賢友
 後無利行 若信彼欲 盲智慧眼
 後墮地獄 如落山崖 不散亂行
 最上善友 恒救護人 是求善友
 散亂為怨 此盡最惡 佛說散亂
 入惡趣道 若迷散亂 愛樂境界
 彼迷過人 恒得苦惱 若有苦怖
 無智觀察 彼等傍生 不得天人
 上妙快樂 若彼天人 愛樂飲食
 及著煙欲 心行傍行 當處傍生
 若無分別 非知德業 若知心法
 知業亦然 於此嬉戲 住無常舍
 得無常時 受苦難果 若怖無常
 起大智慧 思惟正法 深樂經典
 是真智者 一切貪愛 無常怨家
 快樂盡時 壞一切命 彼得無常
 最大惡處 餘不可救 唯依正法
 是真歸仗 深心諦觀 無常之根
 散亂為本 先治攀緣 後去無常
 得法命樂 說此第一 此不散亂
 可行天道 善知苦縛 解脫亦然
 不離散亂 為善快樂 已善非善

法華經卷第八

第十

法

如雲散滅 若人精進 發勇猛力
 拒捍魔軍 得彼寂靜 上妙安樂
 若人邪亂 不行善行 宿善業盡
 當墮地獄 若人一心 靜諸不善
 離諸苦惱 當獲福樂 若降諸根
 不添罪法 境界亦然 離諸纏縛
 及輪迴道 等彼黃金 不住塵垢
 出生死難 一切清淨 若散亂行
 不過六根 塵事不生 一切利益
 具大安樂 適悅充足 若彼天人
 身心清淨 女色不著 如魚履水
 塵埃永離 智慧亦然 是故天上
 遠離女色 作意欲愛 定得纏縛
 迷一切法 事與非事 斯人薄祐
 遠離涅槃 親近法師 得真法智
 行法求果 如是成就 心恒離妄
 調伏諸根 得到彼岸 由彼智慧
 意索不住 纏縛境界 智者能除
 為彼世間 解法之師 天上園林
 自在遊戲 多獲快樂 適悅境界
 若能棄捨 作彼善業 心靜安樂
 是為甚難 生夜摩界 若離散亂
 虛妄攀緣 生彼天者 數及俱毗

法華經卷第八

第二

法

及鋒都摩 得自業果 若心難調
 作彼業果 因心輪轉 衆生迷此
 十二緣起 展轉輪迴 過現未來
 人間天上 一切有情 皆由心作
 妙高山頂 瑠璃之地 帝釋聖賢
 於此恒住 別有山峯 瑠璃所成
 乳闍婆住 人不能到 一切地位
 林樹園苑 散別各住 適悅其意
 人不能到 最上金地 有蓮花池
 瑠璃所成 人不能到 復有流泉
 及諸池沼 衆鳥群集 往來遊戲
 殊妙第一 人不能到 宮殿車乘
 最上莊嚴 諸天住此 人復遠離
 人遠離故 欲境所賺 如是世苦
 心無怖畏 轉復愚頑 行彼輪迴
 恒受衆苦 如繩纏縛 如籠覆鳥
 彼上一一 殊妙天界 而不得生
 世間女縛 破壞善法 增長生死
 若人貪著 被死魔軍 競來破壞
 散亂之性 迷著女人 得無常時
 自受業果 山林蓮花 流泉浴池
 彼可嬉戲 何愛女人 決定得彼
 生死大患 恒貪名利 得患亦然

法華經卷第八

第三

法

彼女人縛 多作貪愛 難可調伏
 而為大患 違損世間 一切有情
 若此女縛 世間欲貪 為過最大
 一心思惟 知過實然 欲過既深
 不墮何去 彼一切人 降心離欲
 遠離女人 生夜摩天 彼有光明
 如日如星 隨身照耀 乘虛適悅
 一切亦然 是彼光明 天人具足
 一切如是
 天主見彼之眾 於其光明取相執著
 而宣金字偈云如說頌曰
 天身無垢膩 恒修清淨行 散亂不令生
 長獲於快樂 非揀樂與苦 老少及中年
 上族并下族 不免死王壞 有主無主者
 力與非力輩 醜陋及端嚴 不免死王壞
 王侯及目從 在家與出家 或善或非善
 不免死王壞 富貴與貧寒 有德及無德
 若女若男身 不免死王壞 曠野及山川
 水中與陸地 主客禽畜等 不免死王壞
 睡與非睡者 喫食與不食 一切在世間
 不免死王壞 地上與天上 此界及他方
 輪轉亦復然 不免死王壞 厚福及薄福
 剛強與柔和 患病及身安 不免死王壞

誠思與傍生 人與非人等 無力亦無能
 豈免死王壞 欲界與色界 一切天人住
 福壽消盡時 不免死王壞 上至無色界
 一切諸天眾 住三摩鉢底 不免死王壞
 三界情非情 一切如幻化 離繫出世者
 非彼死王侵 知此無常力 一切欲愛生
 際際受輪迴 展轉無窮已 耽味世間境
 因欲生煩惱 違損如毒蛇 永沉於地獄
 無常有情難 作善而無力 輪轉於世間
 皆由心所造 迷欲行散亂 樂欲五塵境
 愛索縛天人 墜墜於惡趣 天人行散亂
 一切快樂貪 不佳譬懸河 身墜都無覺
 若彼使樂者 命喻若臨崖 天眾不能觀
 如盲履非道 迷欲著樂者 不如於盲人
 迷欲墮三途 盲人却非墜 是故依欲行
 不如無目者 於欲而無厭 寧知心自迷
 墜墜不離心 恒作無功利 若行欲愛者
 無智無知識 念念欲苦生 古何復行欲
 此所招欲果 如得惡朋友 牽入無常宮
 恒時住惡趣 人死不復活 如流去無反
 欲樂亦復然 一切成虛幻 一切眾生命
 生滅若浮漚 流年少不迴 急急如逝水
 生老無常苦 一切皆盡有 天人不覺知

心恒而散亂 若起無垢慧 作意清淨行
 易得世間身 永不入惡趣 未生善令生
 已生令增長 所作善隨心 自身果亦介
 善心見欲境 如觀器杖毒 不善著欲境
 迷心得適悅 諸根為善惡 皆由於自心
 心起煩惱集 而得善惡果 智者正覺察
 觀色平等空 斷除苦集緣 何各而有果
 熾然諸境界 一切因自心 心善若調伏
 如色空平等 如彼一粟稻 莖等色相別
 心行亦復然 種種生煩惱 彼稻喻心王
 心王作諸行 稻生莖等別 世心亦如是
 散亂貪欲色 色境喻浮雲 不覺苦果生
 而隨業相轉 彼既見此苦 天人何樂欲
 若恒生欲愛 遠離一切善 是故智慧人
 於欲而捨離 苦實恒苦空 是苦自行相
 苦果既無常 智者非所樂 境界虛誑心
 心迷無知業 天人墜墜時 業幸無所覺
 設生夜摩天 自性成虛幻 愚盲無智眼
 不見貪慢垢 墜墜得無常
 是時妙德即說頌曰
 無常覺眼視 衰相自焚燒 設住兜率天
 報盡如燈滅 大力十二支 為輪布法界
 業報流轉時 生滅各不定

妙法聖念處經卷第八 集伽他頌訖

乙巳歲高麗國大藏都監奉

勅雕造

妙法聖念處經卷第八

第七節

終

妙法聖念處經卷第八

校勘記

- 一 底本，麗藏本。
- 一 八六五頁中九行「妙樂」，**徑**作「妙藥」。
- 一 八六五頁下五行「大怖」，**石**作「大畏」。
- 一 八六五頁下一七行「適悅」，**石**作「適快」。
- 一 八六五頁下一九行「最上」，**磧**、**普**、**南**、**徑**、**清**作「最一」。
- 一 八六六頁上八行「彼救」，**石**作「被救」。

- 一 八六六頁上一五行「隨彼」，**徑**作「彼隨」。
- 一 八六六頁上二〇行第八字「行」，**石**作「彼」。
- 一 八六六頁中四行「百般」，**石**作「百馱」。
- 一 八六六頁下五行「行法」，**徑**作「行去」。
- 一 八六七頁上一五行第四字「大」，諸本作「火」。
- 一 八六七頁上一六行「如奴」，諸本作「如如」。
- 一 八六七頁中一行「勝善」，**徑**作「聖善」。
- 一 八六七頁中三行「女戒」，**石**作「女人」。
- 一 八六七頁中一七行「別處」，**石**作「界處」。
- 一 八六七頁中一九行末字「大」，**資**、**磧**、**普**、**南**、**徑**、**清**作「火」。
- 一 八六七頁下七行「實愛」，**南**作「貪愛」。

- 一 八六七頁下二〇行「必盡」，**石**作「不盡」。
- 一 八六八頁中一〇行首字「具」，**南**、**徑**、**清**作「是」。
- 一 八六八頁中一八行「意索」，**石**作「求索」。
- 一 八六八頁下一五行「怖畏」，**石**作「畏怖」。
- 一 八六九頁中二二行第三字「若」，**資**、**磧**、**普**、**南**、**徑**、**清**作「苦」。又「逝水」，**石**作「遊水」。
- 一 八六九頁下一〇行第八字「生」，**磧**作「住」。
- 一 八七〇頁上一行「集伽他頌訖」，**南**、**徑**、**清**無。